

6

T3210/1432.83



CHINESE - JAPANESE LIBRARY  
HARV. Y. YENCHING INSTITUTE  
AT HARVARD UNIVERSITY  
JAN 10 1941



平湖縣志卷四上

哈佛大學漢和圖書館珍藏印

平湖縣知縣候補同知王恒修

祠祀 廟壇  
祠宇

禮有五經莫重於祭邑秩祀羣祀羣小祀載在會典吉  
蠲宜詳矣至施敬施哀尤資觀感故自報功景賢而外  
臚舉靡遺周禮墓大夫隸春官賈疏謂雖非祭祀亦是  
禮事是知先哲首邱亦明禮者所當加意爾志祠祀

廟壇

按廟壇宜止依載在祀典者錄入然亦有崇奉香  
火相沿已久斥之反嫌駭俗茲竊取陸清獻之意

採其祀之近於正者列而  
著之所謂神道設教者是

先師廟

詳建  
置

朱志歲春秋仲上丁日致祭先師東西列四配



次十哲次兩廡七十二子及春秋以來諸先儒主祭官祭正

殿分獻官分祭四配兩廡先日省牲齋戒燈夫一十二名學

每月朔望並令芟除蔓草免其門甲雜徭賦役全書二

祭銀六十兩奉文酌減一十兩朔望香燭銀一兩六錢

崇聖祠詳建朱志祀先師日先期行禮賦役全書春秋二

名宦祠詳建程志祀先師日禮畢致祭凡十二人知縣熊卓

周仕曾曙楊挺高劉存義顧廷對李實劉士瑗教諭林光洪

敷文縣丞梅清典史喬登朱志增祀六人知縣朱欽相羅尚

忠陳熙昌程楷教諭柴世舉陶鑄高志省府通祀十人總督

趙廷臣李之芳王隲李衛巡撫朱昌祚蔣國柱范承謨學使

張衡總兵塞白理知府盧崇興平湖縣名宦實畧巡撫呂猶

龍舊志失載今補

按今祀名宦凡二十九人

鄉賢祠詳建程志祀先師日禮畢致祭賦役全書名宦鄉賢

兩奉文酌凡五十四人宋魯文謚明沈琮沈肆俞廸馬璇沈

添銀二兩

榮許盛陸珪倪輔陸銀馬昆馮俊陸淞沈煉屠垚孫璽趙漢

屠應瑱陸琳陸杰劉玘陸鰲姚篚馮汝弼趙伊俞咨伯沈垣

孫植陸杲陸光祖陳善道曹禾沈宏光陸光祚俞南金馮敏

功馬瑀沈懋孝陸萬垓馬千乘馬千里陸志孝王言陳泰來

孫成泰馬應圖陸文典陸基誠陸基忠陸基恕戈用泰毛應

銓劉希聖過厚嘉興府劉志陸宗秀舊志失載今補朱志增祀三十



人屠勳吳佐過璘吳軾屠奎屠仲律陸珂張大忠金錫陸長  
 庚馬維銘陳九韶胡友忠施應墳馬維鉉金汝諧施鳳來馬  
 德澧陸鍵郭日乾沈瑞鑿徐子方徐子章陸懋功陸燦金德  
 普陸清原楊兆梧陸本邵朗嘉興府吳志沈萃楨陸錫明陸  
 澄原三人舊志高志增祀二十二人孫校陸鮮孫從龍陸光  
 弼馬德澍馬嘉植李天植馬嘉楨陸山陸萬源

國朝陸啟麟倪承裕陸濬睿沈棻陸大柱邵延齡陸隴其沈夢

麒顧人龍高士奇高輿程伯鏞俞錫齡名宦鄉賢序次辨蓋子曰天下有達尊三爵一齒  
 一德一三者並尊尚矣顧當茲土而有名生是鄉而稱賢其  
 歿也得祠於澤宮其有德也固不待言我湖學制向有名宦  
 鄉賢兩祠年久傾圮雍正庚戌規舊制而鼎新之栗主之朽  
 腐與大小違式者更立之將消吉設醴述人祠而位置焉其

間次序或曰宜以志所刊前後為定位或曰宜循入祠之後  
 先是二說者余皆以為不然按府志中若趙若袁若吳縣志  
 中若程若朱俱互相參越顛倒將憑何志乎若循入祠後先  
 則在前朝者已無明文可攷即學冊略有標記如尉先而尹  
 後入弟先而兄後入子先而父後入俱可越次以坐歟再如  
 邇者高文恪與編修公同日入祠亦將比肩而坐歟夫事死  
 如事生後人之位置必體前入之心之安而後乃為允當故  
 名宦祠應遵朝廷莫如爵之說但前明名宦不過令尹學博  
 丞尉之屬

國朝則皆督撫之尊若序爵則又後來居上矣是宜在前朝者  
 各以爵序而

然若鄉賢宜遵鄉黨序齒之說而齒亦不能細辨莫若依科  
 分之前後為次其封翁則列於其子同科之上依次排列尚  
 齒尊年之道亦寓矣齡之辯也如是然  
 不敢自是敬質之陸堂先生先生曰然

按鄉賢之祀在德不在爵邑入祀者凡百有十人其官階  
 以有傳及選舉志可考不復入廟學志載兼祀府學者一



十一人沈琮屠勳屠應墳孫植陸光祖施鳳來馬德澧陸  
鍵馬德澍馬嘉植陸本其祀於府學而未入縣學者三人  
屠應竣俞乾賀燦然附識

忠義孝友祠張志在儒學訓導署西南雍正元年奉

恩詔舉行四年知縣楊克慧建新纂大門一座祠堂三間祀先師日

禮畢致祭春秋二祭銀三兩備公銀內動支其以忠節祀者五人明周翼明

陸燦康承爵陸士鉉陸清原以尚義祀者十四人宋魯文

謚明沈珍陸宗秀沈昊屠機江濟俞迪孫佐鍾鳴遠潘璧陸

平陸杲楊陞俞錦張濤陳增曹臬韓文陸屋陸序魯烈沈維

錡沈維錡陸光宅劉麟陸基誠李嫌陸珂陸文典郭日乾倪

維城施應墳曹鍾鳴陸長春陸瑞銓倪士顯沈紹閻過厚曹

繹祖胡嗣璜劉亮采

國朝張冲元張甫陸其燧以孝友祀者五十六人元過宗一明

沈渭沈琮沈燮馬炯陸銀郭球過橋孫璧林雨陳謨沈思孝

秦涇楊志英俞懋修俞永言馬瑀陸錫命時敏曹伯來胡士

奇胡士章毛應銓陸萬源馮伯禮馮伯禋劉希聖陸基志俞

志臯張熒陸文相馬香陸萬達陸燭馬維鉉陸大銳陸大鏞

趙邦秩沈瑞鑿馮洪業俞煜楊兆梧陸倣孟顧之琦姚舜宣

國朝湯自梁陸本金式玉陸徵誠顧明傑沈日芳金赤徐昱屈

希平王棟按舊志作禾傍考馬錡

平海縣志 卷四 祠祀上



按名宦鄉賢舊志皆著明姓氏而于入祀忠義孝友諸人不復詳載體例未歸畫一但事隔六十餘年學中又無檔冊可核茲就祠內木主凡百有五人考其世代分門叙次覽者按籍而稽庶知所景仰云

節孝祠張志在縣治西西司坊

東太平橋

雍正元年奉

恩詔舉行四年知縣楊克慧建

舊為天主堂基

凡邑內節婦貞女題旌者咸

祀之乾隆四十年知縣劉雁題重建

劉雁題碑記乾隆四十年春余蒞平湖之三日

凡祠廟合祀典者次第展禮而節孝一祠獨頽然就圯退而考其創建之由實雍正四年易天主堂為之天主堂者前明西洋人舍館也其人既去其館久虛改建之初第仍其故宇塗墍之迄今五十年木朽瓦裂蓋所由來者遠矣粵稽往史所紀旌門之婦尤者專祠非有奇行者表厥宅里而已未聞合祠以祀之也欽惟

世宗憲皇帝御極之元年崇飭教化獎淑表貞

詔直省州縣各建節孝祠有司春秋致祭日月之光照及陰崖陽和

之布達於窮谷所以樹風聲而勵名義者典至鉅也澤至渥也閭閻之毅魄貞魂無不銜感

朝廷嘉惠弱孀之意而祠中粟主顧令漂搖於旁風上雨之中奉宣

聖化

之謂何其敢泄泄聽之爰捐俸庀材撰吉鳩工祠之後人相

與踴躍輸資請式廓舊規一切圖更新焉乃於諸生中遴其

老成而諳於事者得孫楷戈守智魯傳杏陸錫章袁渤等五

人司其勾稽出入而董率其匠作自大門而坊而廳而神堂

而樓以及左右廊仆者植之舊者新之庠者崇之隘者擴之

視嚮之因陋就簡者煥然改觀又念歲修之不可不豫也門

以東門以西各建市房一間及祠西隙地積賃所入以儲丹

聖之資自是以往其庶幾永昭鞏固乎昔先王之治女子皆有師傅逮姆教既弛閨門立德類皆率性而行舉所為歷奇窮極困之死而不渝其素者其挺然之志浩然之氣非必有所激發感奮而自足不朽於千古方今

聖天子

至治翔洽化行俗美珩璜琺瑯之範涵養太和依倚名教松標柏操比戶可封是以尋常節婦僅由督撫匾表刊刻姓氏於石而惟孝義兼全阨窮堪憫者得建坊入祠嗚呼嚴其



寵榮

實所以榮其名也平湖為禮義之鄉採舉節孝歲不乏人當其躬邁憫凶蓋鹽不給或奉白頭之翁媪或長黃口之孤雛守其初心百折不二惟求不負所天已耳違計身後之令名哉顧烏頭雕俎顯被

傳之奕禩賢孝子孫猶能眷念前光鼎新廟貌修於身者昌其報豈偶然歟天下後世固窮植行之士其亦可以知所勸也

恩詔建

立節孝祠于治西天主堂故址祀邑中節婦貞女崇實行宣

聖化也

泊乾隆乙未前令劉公雁題重修工未竣而擢去已酉春祠

齋陸子鐘及志鳳沈國樞楊大璣曹建中等以重修請仰惟

朝廷令典發微闡幽使問閭之飲冰茹蘗者皆得榮邀綽楔而

又肇建棟宇官為致祭用光祀典敦名教而厚風俗莫斯為

盛恒忝宰是邑修舉廢墜又曷敢後焉迺首先捐俸凡為祠

工集事六閱月而告竣爰記其始末如右 大門一間大廳

三間祠堂三間後軒三間耳房七間大門左右市房二間

租房

二十六千 生員林原捐海沙蕩六畝 租錢二千 歲春秋上丁

八百文

後一日致祭 祭銀三兩備 公銀內動支

按節孝姓氏備詳列女傳不復臚列

又按以上各祠高志附先師廟下張志改節孝歸祠宇考

節孝祠與忠義孝友祠均欽奉

世宗憲皇帝勅建故從高志例並附於此

社稷壇朱志在西門外西林寺東南歲春秋仲上丁後一日

致祭新纂乾隆五十二年知縣王恒捐俸重修圍牆一座大

門一間神庫房一間宰牲房一間

風雲雷雨山川壇嘉興府柳志舊在縣南半里 按卽南 程志

嘉靖間知縣顧廷對遷南門外教場東北新纂歲春秋仲上

三月系志 卷四 祠祀上



丁後一日致祭賦役全書社稷山川壇及各廟春秋二祭共銀三十二兩奉文酌減銀二兩二錢六分

乾隆五十二年知縣王恒捐俸重修圍墻一座大門一間神庫房一間宰牲房一間

邑厲壇程志在西門外西林寺西邑人馮洪業捐基一畝五分歲清明中

元十月朔日致祭必迎城隍神主之附祭死倭難典史喬登

百戶朱璽賦役全書米折銀六兩三祭銀二十四兩奉文酌減銀三兩

先農壇浙江通志在東郊二十一都已字圩聖塘莊案山圩雍正五

年知縣楊克慧奉文建立壇宇并置藉田四畝九分已圩五十三號

五十號高志歲仲春亥日祀以少牢籩豆簠簋如制文武皆與

焉祭畢行耕藉禮知縣秉耒凡九推典史執青箱播種農夫

終畝耕畢望

闕行謝

恩禮勞老農其壇在田後廟三楹又在壇後藏先農神牌左右房

各一間東庋祭器西實耕獲所入又以歲十二月祭八蜡孟

夏擇日常雩並祀於壇新纂歲收藉田穀六石五斗存貯五

年出糶易銀貯庫歲支祭祀銀四兩四十六年颶風壇宇圯五十年

知縣王恒捐廉俸一百八十兩有奇重建

城隍廟嘉興府柳志在縣治東一百五十步宣德五年知縣

王簡建由西偏旁出成化十六年知縣李智以所起藏錢買

地廣三丈許直南為神路重建堂廡門額明沈棨重修城隍廟記今天下自國



都始以逮郡邑在在有城有隍城隍有神神有廟凡為之長貳者始至必嚴祀事舉吾之蒞民貪伎當降罰廉惠宜錫嘏者斷斷然與神誓水旱疫厲必虔禱之祈以彌災沴召休祥此朝家之典章而有司者之當務也我平湖以宣德庚戌繇海鹽析置于鸚鵡湖上游者垂五六十禩而城隍神廟尚因襲陋規成化戊戌真定李侯來尹于此下車初如故事禮神乃循廊序陞殿堂諦觀咨嗟曰廟貌之不飭非所以敬神安民矣任斯責者非予而誰越明年政敷民從聿圖興事于是庀材良諏日吉撤故即新較尋孳尺約之杯之甍之甍之垣墉塗墍丹雘漆漫漶者煌煌隕庫者翼翼侯惟教護屬課而不浚民之力焉廟既新顧神道偏隘民廬屏其前方思所以購之居無何廨宇之右邏者以地藏緡錢拆現來告侯喜曰神之默相我也籍其數白之郡藩諸司斥若干緡購其地得廣袤若干步以卒神道之役而廟始負矣儒學師袁君士泓謂侯之功不可泯而榮宜有述乃為之言曰禮有之敬勝怠者吉怠勝敬者滅民賴神以安能敬神民其安哉是殆所為為下為民視時詘而舉贏者異矣侯之功其可傳也經始于已亥十二月落成于甲辰四月廟基三畝三分邑侯置地九分計屋若干楹計費若干

朱志嘉靖間知縣顧廷對建軒棚三千緡計用人力若干工

楹以便謁拜殿前古柏枝幹蒼老相傳植自宋時萬歷二十

一年知縣黃焯重修陸光祖重修城隍廟記平湖由鹽官析

什九成化時邑侯李公智始建殿材購民地以闢神道規模

稍啟焉萬歷戊子二尹儲君一敬又捐俸倡營儀門廊宇而

正殿卑隘歲久傾頽禮神惠民之典終未光顯歲壬辰邑侯

商城黃公慨然以振興為己責第歲禮民瘁時詘舉贏越癸

巳夏旱魃肆災侯步懇禱赫赫若有神應甘霖驟霑年稱大

有一時士民咸頌侯之威格神之響應也侯遂捐俸命工鳩

材以倡時邑博吳君錫德力贊其議羣僚士夫黎庶靡不樂為之助而守廟道士趙了然蓋盡心供役焉期月間聿然惟新禮神之盛典于斯備矣經始於癸巳臘月落成於甲午清和月計廣四丈三尺高三丈八尺費用三百金人力三千工廟基共四畝有奇係官地免稅

按前志失載考碑記補纂 歲春秋仲上丁後一日合祭

於山川壇清明中元十月朔日主祭於邑厲壇知縣初任考

績及水旱祈禱皆特設祭新纂



國朝乾隆五十三年知縣王恒重修張志一在乍浦東門內海鹽

圖經嘉靖中倭陷乍城神率鬼兵從廟門出倭遇而追之入廟看竟無有羣倭因羅拜神前止殺有民匿池葦中親得其

云狀

按明洪武元年加各城隍封爵府曰公州曰侯縣曰伯三年去封號改稱某府某州某縣城隍之神

國朝因之惟知縣得奉祀以故俗呼邑廟若乍城建在析邑之

先立廟分祀似也至新帶新倉土人並設城隍廟則近於諂矣茲不妄載

土地祠朱志在縣治內詳建歲春秋仲上丁後一日致祭賦

全書春秋二祭銀四兩五錢

按程志云土地廟在城西南此正神也其德高而能降卑而不踰祀之坤方以正其位以合其德非此族也不在祀典左道誣民斯害也已各鄉小廟任村夫巷婦相與尸祝掌志者不復為煩考治西南廟宇甚隘不列祀典而署內儀門東偏舊有祠前知縣張力行遷于堂東今朔望行香奉為正祀故從朱志載之餘不概登

關帝廟朱志在慶源橋西明崇禎十三年建知縣吳春枝記

宗以功作元祀言祀之與功配也關壯繆之勲高日月節抗雲霄擇君而事不貳吳魏出其餘緒而漢鼎以定厥功偉矣若其百戰握勝節義不撓惇倫篤棊人紀以立殆深得春秋之志者歟侯乃學孔子而毅焉者也于偽國則伐之于不臣則討之師出以律君子重之故其名垂烈永廟食于京都郡邑者赫赫不絕侯固為漢之功宗而推春秋之義則又天下



後世之功宗也余治湖之再期詢厥廟址一建海上一傍南  
城月之朔望謁焉然海颶飄搖矯牆棘蔓廟貌不莊非所以  
告虔也遂徧告于邑之賢士大夫謀所以光大之成曰可予  
先以涓埃之助而紳士之購地捐金所以鳩工而董成者不  
可勝書小吏謹颺言以書曰前將軍其為膏雨哉湖不與旱  
其為砥石哉海不沸波吏于是者惟惕厲水蘖以昭對焉有  
利于民者不敢不興有蠹賊于民者不敢不鋤將從賢大夫  
咨詢疾苦而不揚神功也率邑子弟秀良考藝問業以共曉  
夫忠孝之難若此也式靡振治茲廟實始基之哉抑聞之國  
之大事在祀與戎則茲役也仰承天子之寵靈恪守春秋之  
訓典所以報功宗廟文學者于是乎在異日湖之君子絃誦  
以永湖之小人桑麻以嬉借遊治平不見兵革疇非前將軍  
建威銷萌之賜哉別駕陸公實董厥事而馬大參陸方伯馮  
孝廉諸君子共樂其成而周生士旦壽官王承藩俱與有力  
焉廟工既竣共言于余將構閣于其後以延邑倚材爰課文  
藝余曰此諸先生之功後學之幸也後之君子其共聞之  
高志為邑主廟後有文幟閣祀文昌 陸之祺有記  
文燕不錄

國朝雍正三年知縣郜煜改文幟閣建三公祠新纂乾隆六年

大門燬於火知縣高國楹重修 按時監生施元章 十三年知

縣閭公銑重建大門五間二門五間大殿三間前軒三楹 知

閭公銑記關廟崇祀一千五百有餘歲矣其生平忠義大節  
光史冊而震天壤者含生負氣之眾罔不樂為稱道赫赫若  
前日事而其神之英靈於爍叩之如響斯應者尤稗乘不勝  
載此均無俟余之辭費唯是歷代崇封命祀典禮有加訖未  
有定制逮我

詔天 朝 屢隆殊錫封祀先代蔭爵後裔

其神者既至而棲其神者或不克整以肅則有司者之過也  
往余宰五雲宰嘉禾俱於關廟加修葺丁卯春攝篆當湖下  
車來謁眎廟址圉于地若偈仄陳牲設帛近在階城官屬瞻  
拜咸列庭中間遇風雨之辰率難成禮竊謂宜覆以軒楹翼  
之兩廡秋七月奉檄移治遂與同列諸君捐俸為勑邑人士  
亦相率出私錢為助爰諏戊辰之三月上浣經始於六月望  
前落成噲噲噦噦美哉真焉執事駿奔有嚴有翼邑人士請  
記以鏤諸石余謂是固有司者責耳記何有焉繼念廟自前  
明崇禎十四年進士尚寶卿馬君鳴霆捐基高州別駕陸君



啟濛創建歷年逾百未嘗有文之者茲以同事之相與有成俾夫入廟從事不愆于儀誠大有光國典即董是役者亦不容民其勞輒書以付之廼余更慮廟既整以肅倘不率教者習焉溷擾終非所以妥神也並泐條禁于石且以告後之君子幸加意焉 按十三年重修張志失載時三十四年刑部司事為張錫齡陸履祥馬鵬程三人見碑石 員外屈樹榮重建三公祠三間四十九年僧際元募建行宮

三間上建文昌閣五十三年知縣王恒重修改毀後樓三楹

為東西翼房各三間 知縣王恒記當湖西城關聖廟於前

馮孝廉周士且王承藩諸公捐資建造其時有陸別駕董其事邑宰吳春枝為之記自是朔望瞻謁春秋祭享胥於是乎在我

朝

龍興以來奉祀關聖蓋虔與尼山並重雖當湖境內關廟不一而特以此為主惟是歷年久遠梁棟摧頽賴住僧隨時募修然力微資薄稍事補苴終不足以壯觀瞻東楹甫整西廡復毀烏可妥神靈而崇祀典哉乾隆五十二年冬住僧葆仁鬻所置田十二畝有奇興修以為經久之計余過而詢之具

朝

悉其故慨然曰廟所以棲神田所以膳僧皆不可廢况此廟為朔望春秋行禮之地非有司之責而誰責歟於是捐俸百金鳩工葺治徧告邑紳共襄斯舉幸不日而眾誠畢集樂觀厥成即以餘資贖僧所鬻田庭除孔固饘粥無虛後之宰是邑者倘能嗣而葺之庶廟貌常新俎豆其永光矣住僧請以所置田勒石余嘉其志因撰一言以識之屈樹榮重建三公祠及茶亭記當湖治西武廟創自明我

雍正三年重以春秋祀典屢加增廓廟貌益崇大殿後舊有三公祠前邑令郜侯所構也廟前向有茶亭四間乾隆二十年燬於火二十八年先大夫從住持僧葆仁之請親往相度謂廟無產業艱於修理捐資三百金有奇改茶亭作市房歲收賃錢一千二百為成修之資復慨然以三公祠舊制卑庳日就傾圯將改建以宗典制未及興工而天不假年賚志以歿榮謹承先志於三十四年捐資三百金有奇造樓殿三間親自經理庀材鳩工凡三閱月而歲事余惟先大夫一生樂善好施寺宇橋梁捐資獨造者指不勝屈而於是廟兩次捐造并為生息以計久長恐後之住持者久而遂忘不得不誌其顛末 按閩公銑碑記後云殿至大門及水次屋基靖江訓導馬鳴雷尚寶司卿馬鳴霆捐基文幟閣即今三公祠貢之戈帶如捐基行宮生員戈朝榮捐基大門東首向為土



地祠今為東街參議陸光旭捐基大門西首州同知何廷銓  
監生施元章等募捐置姓屋基為西街又住僧際元所置  
田凡二十二畝二分七釐及屈天成所捐市房四間皆廟中僧經管舊例春秋仲上丁後一日

致祭雍正三年更定歲二月十三及春秋仲擇日致祭賦役全書

三祭共銀六十兩餘餘隨地立廟者一在南月城一在西月城一在

小南門內一在縣治後楊家橋乾隆五十二年一在德藏寺

東廡一在松風臺西今名松一在永寧橋東乾隆五十三年

一在北門外邑人曹一在乍浦東門內按乍浦志云關帝廟

靖時建一在西門大街萬歷時建一在南門外大街一在苦

竹山即觀濤閣遺址俱康熙時建乍浦蓋有四廟其在東門

內者廼城隍一在新帶鎮西程志隆慶元年三月新帶鎮民

廟西一所一在新帶鎮西夜見燈光呵導彷彿如神像其

議立廟奉之侍御一在新倉鎮一在南門外新橋

曹光捐資獨建

按程志云關帝在帝左右無遠不屆街巷隨地香火各鎮

盡處必立廟為一方保障今特記其廟之大者如右

陳山顯濟廟至元嘉禾志宋大觀三年建舊圖經以神為天

帝典兩曹政和間縣人郭三益為中司以祈禱感應奏請封

爵崇寧三年詔以顯濟名其廟宣和五年封龍君為淵靈侯

紹熙元年六月旱暵知縣李直養因禱於龍君得小龍以歸

就縣廳設醮三日後果雨是歲大稔聞于朝進封龍君為廣  
惠淵靈侯龍母為慶善夫人二年直養建新龍君龍母二大  
殿裝龍君及龍母四龍王像置供具繪龍于壁自廟門而下  
皆一新之五年勅封龍君為廣惠淵靈威佑侯龍母為慶善



薦福夫人

宋龔頤正顯濟廟記秀州海鹽縣乍浦之陳山有靈湫居山之半水旱不涸不溢山椒有盤陀大石

歲三月十有八日吳之陽山及此山多雲霧晦冥雷雨之變俗傳為白龍君以是日生於陽山而歸藏其母於是焉故有

祠事甚嚴州邑旱潦致禱必先酌酒石上有物蜿蜒即見崇寧三年部使者以聞詔以顯濟名其廟宣和五年又以昭蘇

早虐始封龍君為淵靈侯紹熙元年四月不雨至於六月睢陽李直養攝邑華亭部使者以才薦畀令事還入境漕河已

斷流亟走祠下俄有蜿蜒舉體金色見神座上直養迎拒即循其左臂而上至巾幘因請歸醮祠復循而上如初奩中四

龍子如粟闔境驚異見所未有閱三日大雨霑洽溝澮畢通苗槁而興誕寘蜿蜒及奩子于石頃之俱無所見七月又旱

申禱旋應適如其時日是歲進封龍君為廣惠淵靈侯龍母慶善夫人命既下神報益彰明年三月直養以祠宇敗撓弗

稱夫上命與神施遂哀衆力為建二大殿鼎新象設且列四神像於後以表四龍子之異乃四月龍見於龍母殿自空而

下其大如柱光彩奪目觀者震悸不敢仰視五月廟僧夢神人告將迎龍淮上有曰計海邑之雨可支兩旬耳自是閒霽復雨之日果再決也又明年三月直養遣工繪於壁至則壁尚濕不可為也念其歸其夕夢金冠白衣神人曰令俾爾畫

龍龍實難畫工曰畫非難壁濕耳應曰乾矣東作行雨自西而歸仍有珠乃成龍更語爾令他日謁雨當誦華嚴袖出經

一卷讀其後四神人云此亦而令所致也工起視壁果已乾如戒而成有蜿蜒正白復見神座覘視壁問久之躍而入於

花壺四月郡守趙不迹以梅雨愆期親作文以禱其應立至六月直養請于郡徒興福院創廟之右以廣僧居而嚴香火

直養狀如此以屬楚國龔頤正紀於麗牲之石夫龍之為神變化無方與天為徒孰能測識上古之世為人參擾有道之

時遊其宮沼迨及後來雖渺焉弗覩而乘雲御氣開闔化樞呼吸風雷主持賜雨司民大命克配君德有不可誣者今茲

龍君之神應暴著一時聳動觀聽春秋祈報斯民是怙闕于萬祀宜無斃頤正不敢沒其實姑櫟括比次如右而系之以

迎享送神之詞云海波淵淪兮海山龍從其下潛通兮君之宮時思其母兮來春容菖葉生兮杏帶融君之來兮雷隆隆

雨我田兮秋芄芃我之懷兮無初終君稅駕兮芬鬯斯陳鼓鐘廟享兮列鼎重茵君之宮兮屯雲蕙香蒸兮芬芬我黍我

稌兮抑亦薦其蘋芹君明其衷兮無吐芳新吹洞簫兮望極浦君之歸兮雲在下十風兮五雨祐我海邦兮污萊斥鹵君

不來兮使我心苦干乍浦志明去侯爵稱陳山之神洪武初秋萬歲兮為民所怙



載祀典九山志廟建于宋者歲久而圯合龍君母子為一祠

規制甚狹崇禎五年夏旱邑舉人馮洪業親步禱雨有奇應

復建前後二大殿頓還舊觀趙維寰記吾邑乍浦之陳山有龍湫焉歲旱禱雨必謁湫取水

父老相傳謂取水而水中有物若蜿蜒然者是為龍降必得

雨然在昔戊子赤地千里邑人亦一再行之弗驗也崇禎壬

申自夏五不雨至六月間萬眾嗷嗷邑令築壇南郊屬術僧

禱旱愈劇吾友馮茂遠乃簡邑乘得宋宣和紹熙故事請挹

水于湫而躬肅將之五步一嗟十步一拜懸嶺八十一丈偃

僂而登勿敢頓足于是及湫挹水果有神物蜿蜒水中矣初

僅得一條而五五復為三三復為四四復為五迨水至壇而

甘霖且濤沛爰自四郊徧乎隣壤罔不沾溉皆龍力也顧壇

曾不恪妄強龍必再雨不雨且許詎而蜿蜒者遂忽化去大

眾愕然無何茂遠家僮急報吾家古佛前淨水中有蜿蜒者

五茂遠急歸視則盤旋雄躍神氣飛動其背珍珍其眸灼灼

大者寸許小者半之縮則茵而粒拓則蛭而蠖依然壇上物

也茂遠益驚異為虔恭肅謝而還之湫余嘗見野史所載唐

明皇時僧無畏召龍致雨事甚奇未敢信不圖證之茂遠顧

以郊壇之虔奉龍不屑處而獨効靈于耘廬之甌勺間不知

茂遠何以得之豈孝子能起孝龍真有如姚叔祥所詠耶識

之為異日修邑乘者徵信地毋令李顧二人專美于前云

按姚士彝陳山乞水得龍紀異文頗漫衍李天植嘗節之而

又云不若趙之簡健今故舍彼錄此考宋志歲三月十八日

前志所載士彝文即係天植節本也

致祭賦役全書祭銀四兩

天后宮海鹽圖經在苦竹山乍浦志初建未詳歲月應在明

火遠汎者率于此賽禱春月士女雲萃遺鈿墮翠或接路焉

高志神為福建莆田人宋都巡檢林愿之女沒為海神屢彰

靈應歷代累封至天妃乍浦志天后莆田湄洲嶼林氏女也

母王氏於晉天福八年三月二十二日降生彌月不啼四名

曰黥少與羣女照井有神捧銅符出授之自是屢著神異嘗

乘片蓆渡海雲游島嶼人呼為龍女一日方織忽據機杼坐

顏色變異母蹴起問之寤而泣曰父無恙兄歿矣有頃信至

平湖縣志 祠祀上



父與兄渡海舟覆若有挾之者父得不溺兄以柁摧墮海死  
宋太宗雍熙四年二月二十九日昇化厥後嘗衣朱衣飛翻  
海上父老相率祠之徽宗朝給事中路允迪使高麗中流遇  
風入舟溺其七獨允迪舟神降於檣無恙使還奏於朝特賜  
廟號曰順濟高宗朝始封靈惠夫人賜額靈應等以海寇入  
江神駕風一掃而逐進昭應孝宗朝以霧迷海寇就擒加封  
崇福又以助勤温台寇進善利光宗朝以救疫早封靈惠妃  
寧宗朝以救潦加封助順又以淮甸退敵及錢塘禦潮屢加  
顯衛嘉應英烈理宗朝以濟興泉飢加封協正進慈濟等以  
錢塘堤成加善慶既以顯靈焚寇進顯濟又封妃父積慶侯  
母顯慶夫人女兄及神佐皆有錫命元世祖封護國明著天  
妃進顯佑成宗加封輔聖庇民仁宗加封廣濟文宗加封靈  
感助順福惠徽烈賜額靈慈皆以漕運危險立見顯應故也  
明太祖封昭孝純正孚濟感應聖妃成祖封護國庇民妙靈  
昭應宏仁普濟天妃莊烈帝封天仙聖母  
青靈普化碧霞元君已又加靜賢慈應

國朝康熙二十年加封天后雍正十一年載入祀典歲春秋仲

上辛日致祭賦役全書二祭銀一十四兩八錢新纂乾隆二年加封福佑羣

生二十二年加封誠感咸孚五十三年加封顯神贊順五山志天

妃像乃海中浮來香木所塑初建廟時道士夢神告以海中  
有木次日木果至春秋時天妃夜常出遊燈火輝煌雙行引  
導或至龍王堂或至白馬廟戊卒漁人往往見之至端遊天  
妃宮詩升沉潮汝觸危磯一簇香林萬雪飛龍女獻花鮫獻  
織彩雲停處現靈妃李天植詩路入斷山隈蒼茫海市開竹  
林秋雨歇石瀨午潮迴磬古餘秦字蜃銷出越臺忘機是鷗  
鳥於我更無猜陸世楷天后宮觀湖詩聖女靈祠遠近同倚  
關騁望思無窮機忘人鳥參差石運徙鯤鵬上下風介馬突  
馳晴岸白燭燈雙引夜帆紅甘棠黃木波濤靜直指扶桑好  
挂弓謝師昌天妃宮觀海詩我欲觀于海春風竟日吹仙宮  
分月魄潮信與人知路轉繩橋窄花香岸幘宜歸來乘酒力  
又索雅山詩曹元遴詩春風緩送遠潮來極目蒼茫島嶼開  
浪隱魚龍驚蜃市客豪詩酒愛登臺迴塘雨過涼生展晚浦  
烟蒸影泛杯歷盡勝遊供笑詠載將山色海雲回施銓詩海  
天春爛漫三月欲乘槎鮫客珠為市龍君浪作花青山迷遠  
色白鳥失平沙不淺滄溟興歸舟日已斜金作輅天妃宮懷  
古詩天妃古孝女殉父若曹娥欲抱青山骨甘沉碧海  
波墓田今泯沒祠殿尚嵯峨春日香車路明瑞祝拜多凡沿



海處所及閩人之商于乍者皆建廟祀之一在乍東門內明嘉

靖時一在陳山唐家灣廢一在小營盤一在乍南門內康熙四十

入年福州商人江聚公等建名三山會館基八畝九分三釐

一事而業杉者十居二三會鄉井于他邦揖讓相將其可無

行禮之地乎緣于康熙己丑購蜃園舊址崇建天后殿宇虔

奉祀事用酬航海安瀾之庇置田延僧永香火焉殿東旁更

闕廳事前疏方池以為朔望令節飲福之所併桑梓宦遊亦

得憇息于斯庶幾出入相友之遺意一在蕭山街乾隆十三

也而坐業于是者當亦無荒于嬉矣一在蕭山街乾隆十三

人陳文芹等建名莆陽會一在總管街乾隆十三年汀州商

館基一畝十八年重建一在總管街人何元端等建名鄞

江會館基九分二釐四十年重建閩汀會館石刻汀之有乍

川會館自雍正丙午構基置屋畧具規模迨乾隆己巳何元

端等募資建館始祀天后廓前緒而大之數十年來仰荷慈

麻商賈益盛僉以棧樓供祀不足以昭誠敬乙未董事李

郁榮賴獻良等募資即前址重建宮宇計需費不下萬金閱

數年告竣此亦以見誠敬之所萃矣然事莫重于創始而尤

貴于有終今日以往宜永協善心誠敬勿懈而神靈之所以

佑護商人者將益悠遠而無窮也爰勒數言于石以誌其始

末一在長木橋西博陸侯廟前殿委源張圖南重修神聖宮

自浙東閩廣遠及日本琉球安南暹羅諸國商貨叢集而材

木則尤切于用航海諸商之蒙神庇者咸崇祀天后自苦竹

山外專祀者三而城外之西南隅則神聖宮峙焉歲辛卯余

奉檄護海防同知篆下車伊始稽祀典知為舊祀漢博陸侯

俗稱大王廟廟于雍正乙卯迨乾隆甲戌商人楊裕和等修

輯遷祀霍侯于後殿以前殿祀天后額曰神聖宮越辛卯商

人沈德昌等以私木等弊致業寢衰請申嚴禁余為詳憲勒

石垂示久遠由是弊革利興商人思新其廟以酬神佑爰卜

乙未春啟工迄冬告竣既葺堂宇併建東西兩序更于宮西

闕霍侯山門蓋所以致其尊重者至矣余惟有道之世海不

揚波神靈効順俾懋遷者皆上裕悅課下阜經營誠昇平盛

事也他日因事來乍得借諸父老奉酒醴以答神庥使商業

永賴以不替尤余心所深望焉是為記

旗纛廟程志在乍浦所東廢朱志軍牙六纛之神歲霜降日

三月系志

三月祠祀上

三



于教場致祭

賦役全書祭銀四兩九錢五分五釐奉文裁解

按今年浦水師營祭旗皆在教場而陸營祭旗則主于郡城副將故祭銀裁扣解司

東嶽廟朱志係佑聖宮分基康熙元年建歲春秋仲上丁後

一日致祭乍浦志一在乍浦北門內雍正四年建

顯忠廟嘉興府柳志在縣治東一里當湖旁祀漢大將軍霍

光閩人英烈錢侯亦附焉宋大觀四年建

按原文作建炎三年魯壽寧弟兄建

者誤從碑記更正開憲括異志鄉民祈禱輒應部下錢侯尤為靈著公以四月十八誕辰浙之東西商賈舟楫朝獻踵至自入四月至中旬末一市為之鼎沸聞有設祭于松栢間祀其先亡慟哭而反謂之小嶽廟廟中鐵鑄四聖由海而來至今見宣和二年賜額顯忠祠五年封忠烈公建炎三年辛道

宗領舟師由海道護行在所奏加封忠烈順濟且賜緡錢以

新廟貌四年加昭應

宋魯詹顯忠廟記大觀庚寅冬詹廣陵秩滿臘中歸省親道經吳江寒甚一夕

震澤水合既抵家鄉人皆言曰昔湖中冰厚幾尺有物自東北趨西南轟然有聲冰碎如粉夕即還如是三日乃已此何

異耶詹曰異我不得而知之第聞吳主孫皓嘗被疾時有神降于小黃門云華亭鹹塘風濤為害非人力能防古海鹽縣

治一旦陷為湖無大神護臣漢之功臣霍光也臣部黨有九當鎮之可免翌日疾瘳立廟小金山鄉人盍相與築宮湖上

竭虔昭惠以鎮此土乎僉曰茲眾所祈嚮者即卜爽塏之地占湖山之勝乃營廟宇乃嚴神棲自是遠近翕然結社會拜

者舳舻相銜也竊嘗謂生為偉人則沒為明神必有大神於民隨其所向而追想世奉祀之如大禹之於會稽秦伯季

札之於姑蘇伍子胥之於錢塘馬伏波之於南海韓文公之於潮陽是也惟忠烈公策名孝武擁昭立宣厥功懋焉是時

漢都長安距吳會為遠甚又公之沒更兩漢歷三國已數百年乃託吳主之疾肇建金山之祠敷錫陰貺宏庇海邦此何

理耶噫人心神矣乎其疾俯仰之間再撫四海之外生兮一世之傑沒兮有不忘考子如月在天有水則現舟行月移東



西南北隨所向而見之若黃石公之於仙州張漁陽之於鄴  
 邑民猶尸祝之矧夫忠烈巖巖精爽凜凜發祥炳靈感應如  
 響曾何久且遠之間耶時愈久而民之祀愈崇道愈遠而民  
 之祀愈廣神妙莫測詎容議擬哉公之勲業青史煥然而錢  
 氏謂之冠軍非是我宋重熙百神受職宣和二年始賜額曰  
 顯忠後三年誥封忠烈公雖冠五等之爵尚遲顯冊之頒庶  
 致崇極而後神貺也丙午春詹歸自京師祇款祠下至未就  
 緒慨嘆久之而職其事者與議弗允亟告縣大夫而易之明  
 年冬闔郡司還朝過家上冢乃見廟宇屹然擁以虛亭翼以  
 修廊旁列攸司各有次第高明輪奐庭殖翠飛徘徊諦觀目  
 駭而心肅焉因哀始末書之石式告來者魯可封跋先君昔  
 製廟記紹興丙寅歲毀淫祠有司失於奉行廟既廢而碑亦  
 仆次年鄉人得請復建可封謹模古本勒之石蓋自大觀庚  
 寅而廟興三十年而廢廢十年而復豈亦有數乎今殿宇雖  
 成而未備他日悉還舊觀當有大手筆以記顛末此得而畧  
 紹興二十七年四月十八日趙孟堅英烈錢侯記夫聰明正  
 直謂曰神靈膺國褒封饗世血食歷祀不泯主福主災赫然  
 炳靈人恒斯畏豈偶然哉克孝克忠為國犯難生昭直節歿  
 助陰靈者也英烈錢侯所以身陪正祠封受顯號其以斯乎  
 紀石傳芳示垂奕世請從具載寧厭纖委西浙諸州禾興景

為邊海華亭縣小金山者又在郡東插脚滄溟峻岸截起驚  
 濤四浮吳國備史載漢博陸侯霍公附小黃門謂吳主曰國  
 之疆土東齧海濤虧蝕侵尋臣漢舊輔今當為神駐小金山  
 為禦海斥使不衝盪全護國封當為建祠於彼金山示所旌  
 顯自時厥後封祀不絕今為忠烈王顯濟廟焉維英烈侯家  
 閩氏錢行位居七航海而商舶帆經從入廟致禮儼觀威爽  
 雪浪東來一山若峙巖巖殿宇卓冠山椒地勢坤靈軒赫斯  
 稱又諗王忠存漢社稷歆生敬慕若曰浮沉罔利膠轕迷途  
 汨淖塵中何終底止歿事忠臣愈浪生死猛念倏發幽明洞  
 符玉立廡間義手瞻視不欹不倚宵然化歸異哉於是驚怪  
 顯迹為廟部臣老宿相傳幾百年矣季夏之月二十二日維  
 生侯辰沿海祭祀在在加謹廣陳鎮金山祠祀尤嚴常歲是  
 日海商海賈寨戶亭丁社鼓喧香華羅供然前無位號未  
 應國經仗隊弓刀遙稱太尉殆幾野廟殊闕聲猷屬青齊向  
 化之年困獸猶競東鄙與師侯能助順虛無之際神證用彰  
 霧消雲飛陰兵千萬排空而下旌旗著號華亭太尉智識  
 昭明逮及交鋒敵勢披靡風驅電掃冥助惟多士兵上之公  
 朝訪尋允合爰加封勅諡以英烈庸答靈休端勿垂紳榮被  
 章服從飾仗衛一變魚雅孟堅母弟孟淳今嗣秀安僖王曾  
 元孫曩居里日嘗謂言曰英烈侯神靈國勲如是其偉兄志



於文盍為紀述其永聲聞當備樂石以奉刻詞茲以書來石  
 既就龔紀弗可後乙巳上春甲子熏篆滌毫寓誠歷叙因作  
 言曰夫所謂聰明正直謂神者豈誣哉忠烈公功存漢祀雖  
 世祿不嗣於當時而廟食乃存於異代蓋忠誠勲績迄莫泯  
 忘英烈侯初焉非衣逢掖道先生者一念向正即隸明祠惟  
 王與侯盼蠻相應如斯至者心公忠耳故侯卒能効順佐邦  
 殄小醜使侯居廟堂而職臣事殺身成仁夫豈難能竊祿鄙  
 夫身縻好爵畏事齷齪當言不斷口若置籍鼠計自營矜視  
 同列苟利飲啄縮縮循墻鬼域斯靡何有何無若拜侯祠有  
 泚其頰孟堅疇昔之夕矚祀嶽神節仗旋歸續紛肅截璧月  
 當午簫吹撼空文繡兒郎粉黛優女畫燭椽列夾道秉行敬  
 拜奉安一無醉懈顧而問曰此嬰曰社稷臣也心實歆焉曰  
 有親在無代言曰人死留名豹死留皮丈夫大節雖死猶生  
 睢陽之忠常山之操平原叱希烈太尉擊朱泚讀史凜凜恨  
 九原之不作也神之為神其以是夫因紀侯事遡頌王忠夙  
 心忠鯁不覺宣露為之銘曰正直為神惟忠惟孝國有常經  
 祀典崇報博陸在漢擁昭立宣雖曰世祿不吾以延逮及異  
 朝血食廟祀為禦隄封叱捍潮水無使侵齧虧厥疆理至於  
 今世靈畏若存英烈錢侯起身七閩浮艗而商致禮英靈惟  
 公與直至合心傾一誠默孚旋隸部下拱立廟廡杳然冥化

東海之濱奉祀畢虔位號封崇若有待然小醜不競東鄙興  
 師維侯助順若響之隨神兵千萬陰雲擁之寇勢旋靡電掃  
 風披昭靈顯功褒號英烈服爵儀衛一變綿蕞吾匪銘石匪  
 事夸雄寓勸若人知孝而忠為食君祿當勇於事事依違者  
 將焉用彼致忠於君奮不顧身身死不死其名永存史傳紀  
 績廟食薦馨吁嗟鬼域狗苟蠅營張堯同霍將軍廟詩弼漢  
 功非淺讒夫可奈何海  
 神今亦畏安敢布風波  
 明成化六年住持潘道堅重建新纂

嘉靖三十四年倭警神昭靈應邑人奉事加虔知縣劉存義

建坊 劉存義建坊記嘉靖三十四年二月二十六日卯時海

寇六七千餘駕船四百餘號突至湖邊城上居民矢石  
 銃砲齊發打死六賊射死六七賊賊見民心固守器械鋒利  
 况城崇池深野無所掠勢不能止遂夜遁有傍東廟居者來  
 與余曰此金山神之力賊至時有童子親見神揚旗秉劔  
 衣紅者一賊下湖有是哉神之惠民無窮矣是時余疑信相  
 半繼賊歸巢疫癘並作死不可勝數有人自賊巢歸者報余  
 曰此金山神之力也疫死之賊往往見神於黑晝昏夜間賊  
 不知而問諸人人始知之以金山神答之賊遂無意於此吁  
 神之惠民益無窮矣夫人有一念之及尚思稱報况神有如



是之惠而牧民者可不知所以圖報耶報  
則思久當揚其惠以垂後世因建坊云  
萬歷二十九年知

縣王義民重建沈懋孝重建顯忠祠記顯忠祠在當湖東門外相傳為鎮海神以乍浦地界金山海濤從

彼上流來故亦稱金山之神其小像作負展狀如漢武所賜

大將軍博陸侯之圖余聞先大父言自番舶入貢顯靈海濤

間而尊置之者其在三國吳王時夢感小黃門始立祠湖上

宋大觀中重建宣和二年賜額顯忠本朝載在邑乘與乾水

溢禱之輒應至嘉靖中海寇數萬人徐海陳東麻葉三酋者

窟穴松江之柘林亡月不掠我湖邑先後七八年督撫績溪

胡公宗憲臨鎮湖邑解擣其黨盡殲三酋之眾於我沈家莊

是時金山神明効靈爽督撫公如將見之親致祭焉始公先

受降事渠首繼有逆謀復檄永順麻沙諸部蕩平之蓋島氛

濁厲終始結局於此邦明神祐助之功焉可誣也余時總帥

為諸生日夜編于垣埤柁鼓聞一一親見其事矣丑三月倭

千餘從乍浦登岸蟻結于讀書堆上者五日彼時未有城堞

市人揭竿湖畔以禦之此一帶水耳終不敢渡取道竟從金

山去後有田父數人被拘逸還者彼中見有金冠金袍白馬

翩翩巡湖之濤戈戟如雪或作虎象形嗚呼無城無兵何恃

能守此非神之力而何也乙卯二月倭駕千艘萬人來攻城

其首乘輿先上流矢向城中者如雨邑侯襄陽劉公存義連

發三矢酋遂殪放艘繇武塘以去後有從艘中脫歸者競言

首見神人仗劍擊之諸艘檣纜多折斷者以為不利吐舌連

宵遁嗚呼魚吼而來奪魄以去此又非神之力而何也自倭

熄來今且五十餘年海波安瀾時和歲登我父母延陵王公  
加意于境內應祀之神于是父老同聲願新顯忠神之祠呈  
舉帖行樂趨者眾故工力速成規模開拓于舊余為述明神  
之顯聲濯靈於耳目間真實如是使邑士民皆敬焉夫湖邑  
僅百里而去海甚近島汛無期颶災時作斯地也有邊海之  
防焉有蕩析之慮焉天人幽明問所為協奠此土者功參半  
矣乃若子孟先生受遺壙立持傾保大事在前史堂堂崇禎  
十三年知縣吳春枝重修

國朝乾隆二十五年知縣李納璧重修

李納璧重修顯忠廟漢大司馬大將

軍博陸侯崇報祠也侯在漢受顧命輔昭立宣其功業赫赫

與伊周並著歿而為神猶能憫蒼生生命率所部捍禦湖患以

保障東南事在孫吳寶鼎三年於是勅立侯廟于小金山後  
以祀事航海不便宋宣和二年遷於當湖鎮賜額顯忠封忠



烈公逮明嘉一 間倭寇浙直沿海郡縣前後兩次至湖侯皆  
顯靈擊賊賊懼而遁邑宰劉公存義特建牌坊以表其事迄  
今海無驚濤好穴罔作此固  
久治化成之效亦未始非侯之默贊于其間也自建廟以來  
歷年久遠雖代有修葺而風雨剝蝕每易傾圮余始下車循  
例謁廟見正殿儀門方在修整工未半而輟為徘徊者久之  
越明年士庶呈請以邑產木棉而抱布貿易不門為盛每正  
扣捐一文則積鮮成多績新可冀余以其便示勸諭民皆  
欣悅以聽無少強自已卯七月初旬至庚辰八月終寢殿頭  
門并文昌閣闕帝殿及守廟僧所棲寮舍與前工未畢者無  
不告竣巍然煥然頓易舊觀矣計其費前後凡二千二百金  
有奇而董事諸生潘孚嘉等既踴躍從事復倡捐一百餘金  
以成厥功余以侯生則奠安社稷能保護烝黎載在史冊  
列於戊祭其祠宇固當歷久常新以報厥德茲樂其擎眾舉  
易而毫無紛擾俾古蹟永存神靈安妥藉以護國庇民為干  
萬年香火誠盛事也爰為之記其重修歲月云陸世楷金山  
忠烈王漢博陸侯廟詩煌煌博陸侯廟食自漢世椒房寵已  
移麟閣功未替豈同若敖餒而享非其祭廓然天壤間正氣  
日蟠際茲方偶鑒觀于時特憑契瞻茲東海隅葭葦成棄地  
大澤多龍蛇驕恣為厲驅除奮神威金湯萬家底行宮啟

湖濱雲旗遠來賁縱橫戰代年往往著靈異嶽降遡清和祈  
賽紛焉至赴赴部曲雄帷幄凜參侍英風儼在茲過者尚芒  
刺

五十三年知縣王恒重修朱志歲春秋仲上丁後一日致

祭當湖式土紀畧立春前一日以綵仗迎春于東門外顯忠

廟賦役全書芒神土牛春酒銀二兩新纂一在廣陳元至大二年建久廢一

在乍浦城外西南隅雍正十一年在前眉坊六滙按前志不

神今考正

按陸清獻云諸侯祀境內名山大川縣有東嶽廟非禮也

然靈壽祀典亦載之若顯忠廟神靈丕著邑人士崇奉已

久舊例相沿均列戊祭正清獻所謂不可驟更者也

龍王廟新纂在呂公橋東水旱致祭此為主廟俗呼龍王堂



考程志一在二十三都俞家帶西邑人俞懋相建九山志一在苦竹

雅山之間互居之北不知所自始

火神廟新纂在北門外二里松塵道院內詳寺觀一在乍浦

真武廟新纂在南門外教場邑人張友直建一在佑聖宮內

一在黃山

按陸清獻以真武為古元冥水神列于羣祀邑舊有廟各

志均失載今仿靈壽志例並以祝融元冥二神入壇廟

文昌祠宋志在佑聖宮內明萬歷四十四年建按東湖中祠詳地理

藥王廟宋志在佑聖宮東康熙間建

華陀廟張志在佑聖宮內康熙間建

按神農作蒸問華陀亦古良醫邑民立廟祀之疾痛祈禱

輒應故脩列之

齊景公廟閉窗括異志一云未明大王古老相傳景公遵海

而南至此舊有碑今磨滅不存矣海鹽圖經廟碑王象之程碑目中載之今亦無考

志在官田坊俗稱官田廟邑人趙維寰捐田十畝瞻香火陸世楷齊景鄉詩北海去南海悠悠

幾千里古云風馬牛越國遠難鄙不聞勾吳鄉親辱齊侯此

鄉以景公名曷由辨其始千駟民莫稱二桃士為死功德愧

生前沒世誰崇祀巋然青墩傍古廟丹青峙思昔戰艾陵薦

食憂封豕未覩越溪來終抱齊門恥牛山收淚餘魂魄寧留

此野語助齊東遵海漫無紀一在乍浦東門內嘉興府柳志  
三老泥前聞娓娓談孟子  
馬廐廟在縣南一十五里俗傳景公養馬之所因名馬廐  
按海鹽圖經云考史景無來會吳越之文此縣海與君所



反北海政風馬牛不相及安得來遊而張志則云齊景公  
少子封於平陸遂為陸氏唐時陸贄立廟祀其始祖於此  
為齊景公廟遂為齊景鄉考陸氏家乘云始祖名通字季  
達齊宣王少子受封于齊之平原陸鄉是為陸姓之始則  
又非景公後裔矣

三將軍廟九山志在益山北去梁莊二里祀田開疆古冶子

公孫捷三木主并塑像在焉崇禎中參將江之清出汛梁莊  
謁三將軍廟見神像祀問僧曰

需金幾何僧曰十金足矣後歸海鹽署忘之一夕夢金甲三  
神來拜且曰公忘前盟耶覺憶昔所許乃遣胥持金至廟立  
命塑之按李天植云三士在齊何以廟食于此豈地名齊  
景鄉故祀及三士耶語云魂氣則無所不之則廟食猶可  
程志祀齊田橫及橫兄榮廣初始不可考萬歷間重葺明馬  
維銘

重修三將軍廟疏吾邑梁莊故有三將軍廟三將軍者為齊  
義士田橫橫兄榮廣夫田將軍可異矣舍王侯之約而顧自  
刎以下騷人墨客相與悲歌慷慨以寫其忠義憤烈之狀如  
漢以下騷人墨客相與悲歌慷慨以寫其忠義憤烈之狀如  
昌黎眉山者甚多余不暇論論所為祀梁莊者吾邑隸在吳  
去齊境二千里梁莊隸在吾邑即濱海乎去橫之島何啻二  
千里而遙橫以海為命而耻事漢無論梁莊其身之未至吳  
審矣而祀梁莊者何也毋亦謂神則無所不之乎夫伍員之  
祀于吳以弔吳也屈原之祀于楚以弔楚也其靈爽在後世  
而功伐在本朝其齒劍懷石以自傷不幸而吾言適中君國  
喪亡益以重吾之不幸故至于今浙江之潮瀟湘之水洶涌  
而不安如怨如泣而不可止者二大夫之神為之也然而其  
神有方而人得以意揣之自吳楚之外或未有神焉者矣漢  
昭烈起自蜀中關張以赴赴武夫佐之未嘗得意鄴下而荆  
門之東悉為吳地亦不能廣尺寸之封今大江南北以距遼  
海二神最顯靈應雖蜀何加焉神無方矣若橫所謂無方者  
是耶非耶不然何以生不識梁莊為何物吾邑為何地而死  
乃宅于此也殆將吞子胥于江上挾屈平于漢川而晒其陋  
且局而獨有契于雲長翼德之所為耶前是把總韓生曾新  
其旁旋圮而頃者海波微警所冀神甚甚切遂議再飭余輒



疏之重神也亦重義也唯義故雖死而凜然有生氣神之所  
以無方也二三武弁及居茲土者尚其以義勗焉王之泮三  
將軍廟詩老樹支離壓殿門邨翁曾此饗  
雞豚城隅舊有齊侯廟應為相依託毅魂

按三士之事圖經詳辨之見後冢墓至以為田橫兄弟尤  
屬不經維銘引微示其意然義高可風姑備一說

馮將軍廟嘉興府柳志在縣南一十五里宋端平三年建祀

漢陽夏侯馮異

徐志鼎詩古廟秋原冷龍蛇畫壁凝地名猶  
志喜橋柱迥堪憑當世何多事將軍獨讓能

至今留大樹  
遺像照禪燈

三義廟新纂在縣東二十里蒹葭園祀漢昭烈帝關壯繆侯

張桓侯康熙十一年生員張長生兄弟捐建乾隆元年候補

通判張漢年重修

張誠塑像記蒹葭園西有廟曰三義先高  
祖介眉公兄弟所建也水襟其前祈禱所

涉復構橋以濟行旅便之閱今百年廟貌漸圯已酉夏里人  
謀重葺而以象設告余余惟象為神所憑依繪彩宜先况廟  
距介眉公老屋半里其北又公墓在焉敬恭桑梓瞻拜松  
楸念先人之締造余安能忽置哉因鳩工鼎新並記顛末

陸續廟

一名懷  
橋菴

乍浦志在乍浦西門小街

俗稱  
西菴

祀吳鬱林太

守陸續近易名懷橋以乍浦舊傳有績故宅號懷橋里故也

宋景關詩舊里空懷橋清風尚鬱林鐘魚雲表度殿廡水  
涯深應訝同龕祀難將廢址尋蝸廬纔咫尺興到便登臨

韓文公廟

一名潮  
聖廟

乍浦志在海口閘乾隆二十年潮州人建

祀韓文公

按儒學內亦  
有祠詳建置

吳越武肅王廟新纂在縣治東南一十二里徐埭鎮西

舩建  
無考

一在全公亭

按齊景公三將軍前人辨之已詳志貴闕文存以傳疑程



志于馮將軍則云湖地何緣蒙漢將軍之庇然十七都現有橋曰漢異村曰大樹或將軍之苗裔居此因而追祀之耶三義因關壯繆而連及陸續則嘉禾志已列人物其有故宅與否未可臆斷韓昌黎神在天下如水在地中武肅王功著臨安尤宜尸而祝之七廟雖祀典不載亦在不可驟更之例若夫流俗相沿無史冊可徵信而祈年報賽崇奉已久者亦未能釐正附錄于左俟知禮者更定焉

烈士大王廟

張志作大夫誤

九山志在獨山北百步不知何神僧曰

此獨山一方香火也孤處一隅荒陋殊甚

顧相公廟九山志在雅山東麓神松江上海人有伏虎之異

故裝一虎于案下一方香火最著靈驗後為大士殿左為關

帝廟門外兩沙樸樹大數抱不知何年物

施侯廟朱志在新帶新纂一在德藏寺大殿東偏嘉興府袁

志宋時嘉興人名伯成九歲為神明勅封護國鎮海侯

按邑各鄉鎮皆立施侯廟謂主毒蛇香火甚盛前志止載

新帶今添德藏寺一廟以邑人奉祀尤虔也餘不載

西聖廟程志在新帶邑人曹繼祖建繼祖夢聖降臨是地晨

起往拜空中尚聞異香

張相公廟張志在乍浦西門內懷橘巷前殿紹興府志公諱

夏蕭山人雍正三年封靜安公

西河集張十一郎官者宋護堤侯張六五老相公也名夏



蕭山隄里人初以父亮為吳越王時刑部尚書入宋歸命遂由故任子起家授工部郎中稱郎官既而海溢颶風發錢塘蕭山隄總壞相公充護隄使者統捍江五指揮使護海隄有功封護隄侯乃以護漕當决河覆舟旗丁繞河覓相公不得翼日有大電負相公尸浮於沙巫者狂言相公已為神其尸歸葬於蕭山之長山開而立祠闡傍負山壁為楹面海滔滔每雨歇見神燈數隊沿山而歸宋景祐間禮部請於朝封英濟王蕭俗呼十一為六五呼官為相公以侯王故呼老相公至是呼老相公廟每歲三月六日係老相公生日

晏公廟一名宏濟菴在東門內祀平浪侯晏戍仔浙江通

志晏戍仔江西清江鎮人元初翰文錦於上都因而尸解人以為神立祠祀之後顯靈江湖間洪武初封平浪侯

朱福廟朱志在過家溪北

洋瀆廟程志在縣東十里永樂初建在華二十二都戍字圩

嘉靖七年移建遠字圩按西聖朱福洋瀆三廟不知何神而前志均列祠廟始存之

按括異志載當湖酒庫有四聖廟澱湖山上有三姑廟皆

極靈應而前志皆不載豈神靈有時而既耶又朱志載有

楊四將軍廟不著神所自始而云今廢供像夕照菴其為

廢廟已久故不詳載

祠字按古者名宦鄉賢各有專祠其後請祀者多有司不能徧祭乃合祀于學宮之右既而復擇其功德殊異者別立祠祀之制凡三變今合祠既見于前而專祠則別標祠字凡本非邑人而子孫家此建為一姓宗祠者亦從其例  
悉以時代為次

白沃使君廟一作嘉興府柳志在縣東北三里許閒窻括異

志古老相傳當湖初陷時白沃使君海鹽圖經漢順帝躍馬



疾走不及遂駐馬以鞭指得湖東南一角水至不沒今此地獨高後人于此立廟兄弟三人一在沙腰一在乍浦皆稱白沃廟陸世楷白沃使君廟詩水患方滔天四望鮮高阜使君何神術躍馬東南走揮鞭使倒流蛟龍遂弭首邱原乃可依厥民安井白園盧漸以完村村遍花柳微君我已魚遺恩頌耆耆白屋煥朱扉懷筵崇不朽旱潦輒有祈歲時薦椒酒叢祠滿寰區文繡被土偶稽古洵足徵德馨庶能久捍患與禦災豐碑在人口鼎據雄三方孰為龍虎狗

按使君禦災捍患迹似涉誕然廟食二千餘年不廢其功德必有不可泯者故以為名宦首朱志云明邑人張大雅

捨基三畝六分建廟并立張南軒祠當是舊有廟基大雅廣而新之至以南軒先生配祀于禮未當

報功五賢祠程志纂在南司東明嘉靖三十七年知縣陳一

謙建祀總督胡宗憲萬歷元年以知府劉懋知縣劉存義入

祠後並祀兵備道劉燾署知縣殷廷蘭因名五賢祠典史喬

登鎮撫彭應時

徐文長集應時山陰人中武科為鎮撫以亢被黜都御史王忬鎮浙檄使練士會參將盧

鐘自松江擊走蕭顯應時截諸乍浦為賊所掩乃奮鬪被鎗死

百戶朱璽附焉

馮汝弼記嘉靖丙辰九月

都御史梅林胡公砥海寇于平湖之南郊先是海寇徐海等挾倭數萬橫行浙直官軍莫敢誰何朝廷命重臣督廣充蒼處諸路兵擒勦數失利賊愈猖獗率眾趨嘉興諸將遂巡莫敢出公時為御史按兩浙奮然起曰諸君按兵不舉如宗社蒼生何挺身前進諸將從之鏖戰于王江涇斬首千餘級捷聞陞右僉都御史提督王師丙辰三月加兵部左侍郎總督軍務時徐海大合賊黨及倭數萬攻乍浦兵備劉公燾禦之賊趨皂林巡撫阮公率遊擊將軍宗禮禦之禮兵寡力戰而歿阮公遂保桐鄉賊百計攻圍踰月不解公知賊勢方熾我兵未集難與爭鋒陽為招撫之令賊退屯于華亭之呂巷六月復還乍浦公欲翦其羽翼計遣應襲管懋光贊畫朱尚禮等間攜徐海執其渠魁麻葉胡四載一等以獻適提督尚書



趙公文華奉命視師以天兵至公與合議復遣辯士說海縛其巨酋陳東以獻公曰賊心離矣機不可失時巡撫阮公議亦合遂行兵備劉公分布諸將刻期進兵犄角互發奮力齊擊賊大敗爭奔海船我兵乘勢追擊斬首七百餘級燒賊廠二十餘處焚溺死者不可勝計獨徐海擁精悍千餘人以歸順為名據平湖之沈家莊去縣治纔十里許公遣中書羅龍文義士蔡時宜等閒其左右使自相疑忌以離其心復協謀于趙公而巡撫阮公巡按趙公謀俱協行郎中郭公會兵備劉公為擣巢之舉公親履行陳借阮公督戰而劉公之卒勇為前鋒時賊分二巢已各相疑無固志又以招撫之故不設備我軍攻西巢箭砲齊發賊敗入巢乘夜奔東巢我軍齊進奮擊勢如拉朽擒斬賊級一千四百餘顆焚溺死者不計其數于是元寇授首醜類盡殲數年積寇一旦掃除無孑遺矣振天朝之神武絕海外之寇伺正亂賊之典刑洩萬民之積憤以舒我皇上東南根本之憂豐功峻烈豈曰小補之哉向使招撫之令不行賊必肆毒無忌勘定之功不繼賊必貽患無窮生民之禍將不忍言而浙西瀕海之地亦未必若是之寧謐也吾邑士民懷公載造謀諸邑令陳君一謙建祠立碑以垂不朽屬余為記而系之以詩東海冥冥陰風怒狂妖氛塞空鯨鯢跳梁天威赫赫維公肅將肅將伊何神謀允臧始

則餌之終焉在綱匪公帷幄曷展助勳蕩滌妖氛海波不揚我家我室奠我封疆我衣我食樂我耕桑曷以報之新祠煌煌百千萬年  
新纂  
令聞無疆

國朝乾隆五十三年知縣王恒重修歲春秋仲上丁後一日致

祭 祭銀四兩備  
公銀內動支

按程志止載胡宗憲劉懋劉存義三賢朱志以下皆仍襲

舊文不知劉燾殷廷蘭皆有禦倭功其入祠歲月雖不可

考大約卽在萬歷間故五賢祠之名由來已久朱志云順

治十五年僧源盛募資重葺遂稱報功禪院前賢祠宇改

為梵王香火致使一方保障之功歷久漸泯是誰之過與

恒 嘗祇謁祠中見五賢木主設于佛座傍因捐廉俸修葺



鼎新并為詳定秩祀以著報功之意

兵備道劉公祠程志在乍浦嘉靖三十七年為兵備道劉燾

立久廢馮汝弼帶川祠記乍浦濱海在平湖東南乃嘉禾之

屯兵以備倭患慮甚遠也嘉靖癸丑倭奴數千人奄至城下

時承平弗戒賊攻入之軍民遇害者殆半乙卯秋公奉命備

兵乍浦巨寇徐海率倭萬人自柘林來陳東率倭萬人自新

塲來合勢攻城公率眾防禦間出驍勇迎敵殺傷甚眾夜遣

精銳劫賊營賊陽退夜則長梯援城而上公家丁率官兵擊

殺之賊擁眾環攻公命家丁之善射者發矢官兵之善礮者

銃砲四發賊少卻俄發大礮傾于穿公鬚左右皆驚公無怖

色親發二矢斃二賊賊復卻俄復前如是者九晝夜公衣不

解帶手不釋矢誓與城存亡眾心益奮奪賊梯一日餘座斬

獲賊首一百三十餘顆賊知不可攻遂解圍去時四月六日

也賊犯崇德桐鄉總督胡公陽為招撫之令賊退屯呂巷六

月復來乍浦時胡公與尚書趙公協議進兵率尹游擊等兵

潛入乍浦乃問徐海率倭千人赴梁莊降而督諸將各路進

兵賊倉皇失措驚潰奔逃尹游擊率兵沿海而下賊爭奔海

舟自相屠戮我兵乘勝追擊斬首七百餘顆因風縱火盡燒

賊厥連燒賊船焚溺死者不可勝計餘賊遠遁自是不敢復

向乍浦矣向使賊之來攻也非公捍禦則乍浦成薑粉賊之

再至也非公擒勦則乍浦盡豺狼乍浦一失守西浙無寧日

功祠

知府劉公程志在譙樓左為知府劉懋立萬歷初移入報

知縣李公祠程志在按察分司東萬歷六年為知縣李實立

久廢明孫植記瀘州李公自湘潭移治吾邑至即究悉民隱

以通賊邑之虧田盈縮均一老吏不得奸利其中圖田有積

荒者歲為圖人累致多流徙公籍其劣近居人給籽種以禪



耕闢徵其稅而獨其徭逋民踵相復業邑田瀕海者地阜渠  
淤苦旱近湖仰者土窪圩塘善崩公屬其圩塘長隨地修治  
早潦蓄洩有備乙亥海溢害稼壞民室廬公冒暑徒履周視  
賑恤安集數千人老稚婦女懽呼盈道邑有把持稅贖者歲  
家於役公手自會計歲示之額與民信守及其征歛則因時  
緩急不為暴令公受訟牒即以訟者行攝問里不聞追呼其  
所治獄自為爰書立決無淹視事堂序胥吏傍睨屏息不敢  
出一語市價一無折閱每值公用必先簿直之給而後入視  
費民一錢不啻出私藏里甲絕無供億之費其所平徭繁簡  
各以力任民相勸子來不待期集凡始事所立章程迄四年  
如一日至今條教法象善者皆曰公所遺也朔望謁拜先師  
必集諸生以經義課咸感興奮起計偕者後先獨盛諸生貧  
不能婚葬者捐俸廩助之以治行卓異旌舉去踰年邑人相  
率謀祠公期以歲時拜且祝願公福履無疆以慰民思予邑  
前令自宣德分邑以來如熊豐城之毅直周草岡之廉介曾  
賜谷之慈惠楊金鄉之孤潔顧直齋之方正郭福山之剛簡  
劉襄陽之勤民捍患至今民有去思然卒無出公右者今  
父老祠而祝之俾他日吏於茲土者將於公有所觀感云

知縣劉公祠程志在城隍廟東萬歷十三年為知縣劉士瑗

立久廢太倉王世貞劉平湖祠記劉平湖者萬歷初循吏也嘗令平湖而賢已入郎比部移南武選矣猶稱平湖

者志績也記之者何平湖士民意也侯諱士瑗字允玉江西  
安福人父朝傑任為郡別駕母曾安人生母緇孺人其來令  
平湖也年尚少而貌頗清羸人頗異之侯賦性既穎絕而又  
能以勤勵自警策平湖最為秀劇邑稅贖訟牒日以百數所  
上臺察監司大府移不可指屈其受諸移亦如之侯一覽輒  
不忘至於博采土風民俗與閭井困弊耳聽心計不測其所  
從入也尤能持見自信即上官有所駁難不為動必得請而  
後已上官始雖難侯請久而竟心服焉以故侯益得發舒邑  
田災於水侯請蠲賦額若干明年蝨害稼侯復請改折以紓  
之已復發儲穀食饑氓皆得報可他邑有躪巨室庾而剽其  
穀者獨侯所蒞晏然又明年旱侯蔬素降服徒行赤日中以  
禱雨立澍應時屢儉而驟得歲稻米頗贏然無所徵值侯謂  
漕可亟米也俾入于舟而緩責其折入謂其米貴先折賤則  
先米以是賦額足而民不困侯亦自謂我非能為民減賦也  
能以時節縮之而已時賦長最名為劇而苦收解侯酌取田  
畝之奇以補之必使不病而後已仍著為令潔已平市司值  
黠猾不得低昂其價度民稍給矣乃以時按行邑庠進諸生  
與談說經術親為校閱文藝高下而激賞焉時文廟與學宮



俱隳圮侯慨然一新之所費金逾二千而不以累民亦不大  
 損公帑時執政者專下天下有司均田賦俾搜其伏匿吏相  
 戒惴惴計無所出謂必溢額而後當其意又懼貴勢有力之  
 人見扼而不得伸且曰我姑以告成事而已侯獨不然曰上  
 德意之謂何而忍負之且我何知執政蓋平湖自海鹽割額  
 田可六十一萬餘實田僅四十八萬而當六十一萬田之賦  
 其大豪駟奸又陰匿其田而飛賦于孱弱者孱弱者再出賦  
 不足以是益重困而破家至流亡比比侯矢于神召集三老  
 正平帥區役之能者為分界植標竅石弓步鱗圩櫛號聽民  
 自實上之三老三老上之侯躬自稽之乃盡得實田之數使  
 均其賦額賦無所減捐而孱弱者皆安大豪駟奸亦心服不  
 敢復有所乾沒矣當是時均田獨平湖以最稱于是侯前後  
 任六載始得遷邑士大夫吏民皆涕兩泣追送有至數百里  
 外者歸相與立祠而祀之且咏歌之序之及侯卒而祠之宇  
 益新歲時伏臘烝祀勿絕而士之賢者曰馮伯禪故太僕卿  
 敏功猶子也奮然謂必求天下之文可以不朽侯者得世貞  
 布幣請焉世貞義而許之侯他事行當必有葬之志銘在弗  
 能詳昔者余臥閭里時當大相之下均田書天下無不恨之  
 者至其敗而目為罪狀何平湖之人更以是德劉侯也然則  
 大相之罪云乎哉夫朱仲卿在桐鄉一畜夫耳其後歷官為

九卿病且死曰必葬我桐鄉相鄉之人愛我後果世世祀弗  
 絕劉侯所任令德于平湖深而困無子吾不知嗣侯者之葬  
 何如假令在平湖平湖之人又奚不桐鄉  
 若也若伯禪者無為而為庶幾猶賢乎已

按程志載萬歷九年士瑗規田時先慮不及額丈筭每窄  
 其數後至報成竟多溢額府劉志亦謂是役平邑縮弓二  
 寸與記中所載大相反世貞通儒不應溢美若此想出于  
 告者之過存之以見名手之文非盡實錄其祠亦一時縉  
 紳阿私建立未幾旋廢

知縣江公祠程志在西城外為知縣江環立久廢

知縣王公祠程志在佑聖宮右為知縣王羲民立久廢按朱

秀水朱國祚有記考  
 係去思碑文故不錄



知縣蕭公祠程志在西城外為知縣蕭鳴甲立久廢過庭訓

記畧吾邑僻處民無旁利惟恒產世世守自加贖風熾人至以業為累蓋至壬寅癸卯間岌岌乎生計絕矣漢陽蕭侯燭其弊曰是萌也遑遑求利曷其窮時侵并有狀凜凜斧鉞如其左券孰敢二三吾不能模稜首鼠餘潤多口使人臥不帖席陰啟紛囂驅良為奸終兩斃也懲之戊申雨霑浹旬旁邑預訪富民待賑挾勒蝟發百金之產無寧居也侯嘆曰荒未及而民先瘠矣誰獨非荒者且民何待訪第下令吾為爾請蠲賑他無所需爾為一邑安堵乃亦有秋青衿趨迎如狂浸成俗矣侯自下車一切謝絕諸嘗稱入幕者母濡足吾室課士有所賞期望父子有加邑父老感侯德尸視之屬余記其事余所見隆萬以來吾邑賢令之最無如李侯虛谷江侯縉雲皆以簡靜為道行所無事而民思之至侯而三焉侯于是役知非其好士民不能忘情于侯若此耳

知縣朱公世德祠程志在萬程橋左為署知縣同知朱邦喜

知縣朱欽相立後建青蓮菴施鳳來記吾邑自余所睹記署

事在庚子越十年庚戌而公子如容領符綬來民大悅曰吾公有子庶再撫吾湖也侯至與父老絮而語太公劍履之游在此湖民不忘太公德不佞其敢忘焉民又大悅侯咨利權弊禁需戢擾減緩却羨講藝敷教扶弱鋤強百廢俱舉裁決如流則皆一稟先太公之訓以事而大者編里力擔心計發詭剔蠹侯實貽邑百世利焉乃其一簾明月兩袖清風蕭然環堵不辦行李則侯又與太公先後同符民所為並歌豈弟謠冰鑑也於是謀尸而視之相與列兩楹並祠子來趨而竣不日士大夫衣冠文學與父老共羅拜祠下余乃颺言而作歌歌曰皇降康兮福我湖湖之氓兮侯再蘇疇昔墨象狎野息亦越箕裘哺春雛曖曖淇露天疊濡灑灑琴清民重呼噫騎箕兮郡伯徂嗟劔移兮月明孤留得棠陰與鶴跌崔嵬雕宇敞通衢德魄生顏儼脚躡旨醕雙酬操豚壺祇看伐鼓并吳歛奕葉循聲嗣有無

知縣羅公祠程志在東湖旁為知縣羅尚忠立朱志後移南

司左廢改祠為化城菴化城羅字今仍祀于菴馬維銘記我邑故

鍾之三泖漚之邑之旺氣此其靈明之府矣前是宰我邑者如楊金鄉之邁俗劉襄陽之夷難顧秦州之阜民劉安福之



造士皆光明俊偉無忝廟食未有創生祠于湖之許者祠自  
青陽羅公始間與諸縉紳孝廉文學艤舟湖中登公之祠灑  
名泉薦芹潦誥豈弟而頌神明愾然思慕者久之文學夸口  
而談曰吾師乎吾師乎其仁及青衿子何其深乎未逾三稔  
置義田者百餘畝豈獨賑民亦以贍諸生也又立義冢凡民  
有喪匍匐救之諸生豈曰無心獨力不能耳公殆教諸生以  
仁也孝廉曰是固然公緩催科勤撫字息詞訟憐孤寡總之  
不離乎仁然而日坐堂皇殊無戴星之勞而有鳴琴之暇鷄  
犬不擾犴狴常空此曷故哉良以凜凜丰裁如手握含影承  
光之劍鋒鋸照灼故吏屏氣而胥束手民乃始蒙其仁耳縉  
紳曰若猶未既也吾儕日庇公宇下竿牘漸稀矣筐篋全祛  
矣居常衣不重采食無兼味去之日行李蕭然不辦路費公  
之仁豈無本乎轉運者幾持正者衡公之無欲乃其所以為  
仁也前所陳金鄉襄陽秦州安福諸美萃于公矣于是孝廉  
文學謝不敏屬余為碑記異日者公開府浙中吾儕猶當結  
廬鸚鵡洲上託誼故人選公于旌之至而親觴之公其不勒  
十日之飲也是日也監碑告成事于祠余迺系之以辭辭曰  
當湖之水源流其長含醇毓秀鳳舞龍翔歸之吾土吾土不  
有亦食其毛仗此靈藪天鑒孔明吾培吾厚厚之云何召父  
杜母一揮可干絲毫不取身在膏腴冰玉無垢羔羊素絲清

風雨肘歸于百年義田義冢士養于庠民阜于隴晏坐堂皇  
黠胥神悚挹之彌廣公開襟際泳之彌保公密造詣以湖脉  
公如合斯契以公重湖俎豆世世超越  
前修人地兩至粵余作頌闡揚國瑞

知縣陳公祠程志在南司左天啟元年為知縣陳熙昌立久

明陸長庚記肅皇帝朝大司空洛南陳公文章德業彪炳  
於時有子善化公踵芳懿已迺文孫杲菴又以經術冠粵  
東成進士令湖下車時冲乎其貌粹乎其容汪乎其度望之  
而如為德讓君子也迨視政則務持大體與民休息而寓以  
精明不深文而諸曹史廩廩奉法惟謹湖瘠民貧殊苦二絲  
五穀俟於所賦緡錢以什率多寡編限如之令取次詣縣平  
輸桁楊弗試也頃年重以遼精之徵民患愈甚侯蒿日方殷  
會巨豪竄緣不法事覺按實責令之贖得八百金代邑人輸  
餉民獲甦雨造在庭曲直立剖形以下當出金矢之緩者費  
勿問且昭揭之以杜場灶當其時上無盈庭之訟下亦無覆  
盆之寃里巷咽哺嗷嬉囂歷之聲弗及焉性好士延接無倦  
色羣之庠而月兩試之優渥之恩尤注英妙入棘分經得雋  
皆名下士士繇此多之踐更域中一大欵會也俟責成蒐采  
莫敢匿盡剔諸飛詭弊而所限田額率用廓如不兩月而先



旁邑報竣吏民爭詣上官陳利便狀暨侯入計父老知必內  
留也拳臥至不能行侯慰以入咏肫然父母之留愛焉今天  
子最治行而簡列天垣長公嗣美以鼎甲秩玉堂一日者父  
子並躋政府知必不愧科名將合大司空勲勒羹鼎善化公  
贈如其子若孫官可謂忠貞世篤百代下讀其事者尚有  
餘思也余湖濱釣叟素諒於侯知與湖人作祠頌而已  
知縣顧公祠程志在西城外為知縣顧國寶立久廢施鳳來有記文

知縣吳公祠朱志在關帝廟文幟閣為知縣吳春枝立

知縣朱公祠朱志在化城菴為知縣朱之翰立陸之祺有記文闕不錄

巡撫范公祠嘉興府吳志在弄珠樓為巡撫范之謨立姚廷璣重

建范忠貞祠詩昔年榮戟此登臨幾處棠垂蔽帶陰炎海忽  
驚兵氣動靈旗遙隔陣雲深遺民食德空垂淚仙吏懷賢欲  
鑄金今日樓頭拜公像先憂真見古人心

按前志所載各生祠今惟羅公祠無恙餘皆廢然仍舊備

載者以循良食報畧可風世間有考証亦不遽削又張志

載王公祠在東門月城為未析縣時海鹽知縣王宗載立

順治間邑人沈璜重修今廢神像供市樓居民歲奉香火考海鹽圖經宗載字時原京

山人進士嘉靖四十一年任則非未析縣時海鹽知縣可

知然邑人至今奉祀必非無德于湖者胡震亨曰鄰邑編

審公一以廉潔為本或編審時曾至湖今不可考矣

又按去思碑亭乾隆五十年奉

旨折毀作為修城之用各志所載則有兵巡道張子仁乍浦大司前久廢

知縣黎循典西門外築城廢謝良弼縣東程志載有碑記劉存義縣西程志載有碑記



楊挺高 縣東錢塘金璐碑記 朱星耀 縣西嘉興姚思仁碑記 陳熙昌 縣東趙韓碑記 吳

春枝 便民倉儀門內 朱之翰 接官亭 張鳴遠 三聚菴楊燁碑記 劉厓題 鏡漪堂

縣丞梅清 顯忠廟前久廢 教諭張蔚然 儒學內陸長庚碑記 凡一十三今俱

不錄

右名宦專祠

景賢祠程志在德藏寺左明嘉靖三十三年建祀唐平章事

諡忠宣陸贄以宋靖獻先生陸正明徵士陸宗秀程鄉知縣

陸銀吏部尚書諡莊簡陸光祖配 明華亭范惟一祠記予視

事平湖陸公杲以書寓予曰嘉禾祠宜公者四其一在東湖

而廣陳之陳山有靖獻先生書院嘉靖甲寅寇起海上侵擾

平湖境前督學憲阮公鶚虞書院或罹兵乃遷邑城中德

寺之東合宜公與靖獻祠焉題其額曰景賢又七年而有司

議以徵君宗秀程鄉令銀入祠配享請于公公特允行復以

裔孫美光華二生與祠事祠故有祭田數千畝元季澶

于亂杲幸承先世休德獲列士林念宗人食指日繁而窶者

衆乃勉力置田一千口百口十畝併附祠以贍後而我陸氏

子孫將承有賴矣惟是祠記久虛異屬名筆矧徵君與程鄉

令入祠自公始願邀公一言為記予得書讀已蓋灑然整襟

而作曰予責哉按唐書宣公為蘇之嘉興人宋以嘉興隸浙

西路而宣德間分鹽官地置縣平湖故陸氏今為平湖人嘉

湖乃西吳地公固予之鄉先正也唐有天下三百年無論開



官陸燦贈禮部侍郎諡清獻陸隴其配歲春秋仲上丁後一日致祭程志祠後為惠宗祠祀陸氏宗人置義田有功于祠

者贈刑部尚書陸杲處士陸橋贈忠誠伯諡武惠陸炳僉事

陸夢韓莊簡陸光祖舉人陸光裕陝西學道陸光祚舉人陸

光宅贈刑部主事陸基誠刑部郎中陸基忠刑部主事陸錫

恩凡十一人朱志增祀三人生員陸基仁詹事府主簿陸基

志中書陸錫命陸杲景賢祠族田記君子於人無所不愛而必自親始書稱親九族是也夫族有尊屬卑

屬有服無服皆本之於祖能無念哉吾宗族遠者散處吳越

西江兩河間自我靖獻以下別為支派登諸籍者不過三百

餘人慶弔相聞欣戚聯屬宜有以厚之顧力弗逮焉天下之

事固有所慕而為者有所感而興者非慕弗為非感弗興昔

宋范文正公之為相也念其宗置姑蘇義田千畝余竊慕之

妄意他日苟得志當如是嘉靖甲辰余自比部理漕以先太

叔人憂歸時災凶異常禾秀弗實雖父老年至高者目所未

見吾家常稔之田畝纔入穀三四斗而族人嗷嗷告饑余盡

以所入之穀應之一斛二斛為率不能多也於是每歲即有

贏餘必買田數畝以為贍族計歲壬子余家子光祖歸自瘠

以供及以周宗族親戚之窮者余謂此但惠於一時非可繼之

道欲為經久圖必也田平且吾宗自靖獻而上祠墓之田在

廣陳者以千百計今迷失罔稽吾將復其制焉於是銀三

之一散父兄子弟留其二生息數年僅買田百三十二畝歲收其入以周族已未年子光祚登第割已田百二十畝益之從子兵部員外夢韓買田四十畝益之宗弟文明聞而亦買田七十八畝益之合余先後所買共得田六百畝有奇歸之景賢祠凡田之所入供粢盛治祠宇具祭器其以須給族之人大都倣范文正義田例而損約之所給之條曰周貧優老助婚恤喪勵節育才尚賢勸廉紀丁行之三十年而族人僅免凍餒稍知禮義若茲舉者實有啟於文正之慕而成於凶歲之感也已而邑侯海陵顧公義其事會查出民間隱田廼請於督糧使得少減祠田之稅厥澤茂哉近年從弟橋掌田穀之計出納甚謹積七八歲之贏余又輔以私財復買田二百八十餘畝以待族之子弟有願讀書而不能自給者



資其廩餼束修之費凡田都圩畝段租米數具有籍藏於祠中使掌計者有所稽考不敢以義名因稱族田亦以別於私田爾是舉也其有以慰我宣公靖獻徵士三祖之心乎田畝收一石五畝之入輸公外僅可養一人田多則所養亦多吾竭吾力僅此爾後有才子孫能恪守規條永永不廢或稍復恢拓令寬然有餘則余之所甚願也范文正公天平義田歷宋元至我明雖異代人遠猶蒙有司蠲復異時仁賢體念得盡如文正公田例則吾族之幸愈無窮矣刻記祠中以告後人俾無忘作者之意陸基志惠宗祠記惠宗祠者宗人不忍忘前人惠施之德也專祀我先大父胥峰公而石居公東湖公丹崖公莊簡公劍石公湛庵公雲臺公明宇公西源公九芝侄附祀焉祠當有記祭當有辭尚缺焉以俟嫻於文者小子基志僅紀祠之所自始而已先是景賢祠祀宣公而靖獻先生徵士公程鄉公配焉先莊簡名爵德業於陸氏為宣公之後一人然配享不為降抑且於靖獻徵士程鄉三公益增重焉此予小子所以請於前學憲饒公也既而復重有款焉謂莊簡子也胥峯公父也莊簡以名爵配宜公而胥峯公創建垂惠之德不報則湮沒本源此予小子所以倡惠宗祠之說於諸父兄也予每讀胥峯公族田記而協相以成其惠者人可數而知記曰歲壬子冢子某歸自濬所上餘俸及獎

金以三之一散父兄子弟三之二生息買田百三十二畝已未季子某登第割已田百二十畝益之又從子某買田四十畝蓋之宗弟某買田七十八畝益之從弟某司田穀之計出納甚謹是胥峯公而下仕宦者以財而石居公以勞蓋為惠豈獨財耶故按記所載而附祀焉明宇公振別於將弛任怨弗避前堂推於風颺又獨新之九芝復捐田百畝以成父志則其父子能不祀之乎元齋兄亦捐田一十畝欲以此祀雲臺公予告諸父兄曰雲臺公大倡姚江之學聚族之俊又延明師課之有育才之勞而未收育才之效者天也此可以祀矣予兄西源公捐館以其遺意捐田貲散宗族人得槩及惠雖薄而以人計之已眾然所以得祀者則不以此試觀計部之覆奏自壬寅以至今日十七年不墜胥峯之遺緒不虛余宗之仰給者伊誰力耶即附祀猶未足以酬也嗟乎胥峯四子伯與叔季皆祀而仲獨遺則叔季以及子侄能晏然乎仲父劍石公醇德龐度以病早廢不究厥志不然者其行義豈在叔季下况父德隆者報延於子宣尼之廟不遺伯魚故於今歲戊午進劍石公者獨斷於予小子斯時也胥峯公正位於上而附祀者石居東湖則鴈行也而南面左右配焉丹崖莊簡而下子孫也而穆東西配焉如是而獻酬駿奔穆穆雍雍有序有則禮周義暢神明歆而人心懌矣或有問者曰



凡捐田者皆可祀乎予應之日何以西源公之祀不以捐耶  
或又問曰凡司計者皆可祀乎予應之日何以得祀者獨石  
居公耶予直紀所以祀張志續以工部郎中陸基恕中書陸  
之故若此固不必文也  
鑄汶川知縣陸洽原官生陸灝生員陸若沛州同知陸元根  
六人配

按景賢祠志載明嘉靖四十年知縣申文畧曰故宋儒靖  
獻先生前代立祠陳山近年移建治東已經本縣春秋祭  
祀無容再議外今生員陸美等欲將靖獻祠改祀宣公正  
位于上而以靖獻徵士程鄉令配祀于旁議得陸宣公嘉  
興諸邑各有專祠惟平湖設縣後尙爲闕典及照徵士公  
程鄉公皆當廟食况爲靖獻裔孫共以宣公爲始祖知

美等主配之議則靖獻伸尊祖之心宣公亦慰象賢之願  
雖出陸氏子孫孝思實爲昭代崇德盛典云此景賢祠改  
祀宣公以靖獻等配祀始末至族田減賦緣由許食貨

魯簡肅祠程志在桑園街祀宋參知政事諡簡肅魯宗道明

縣賴珍記禮莫大於敬祖古人動水原木本之思而重親親  
之義則祠設焉魯氏當湖首族甲第一盛其初祖簡肅公諱  
宗道宋時忠直大著故當日指爲魚頭參政按簡肅鳳之毫  
州人宦海鹽寓當湖德政流芳示祀名宦彼邑之後今歐陽  
公聞風想慕堂取乎景魯橋平乎思魯猶懷彼美於不忘而  
况爲其後者其何能忘哉此通族捐資重爲構祠以祀簡肅  
公之不容已也夫公爲有宋社稷臣而後賢樞密院太府卿  
儀同高郵司理甌寧公等皆能世其德合而尊賢祠親親之  
本也其東魯之遺風乎嘗閱嘉郡志載司理文謚置義莊義  
塾惠其宗人美哉在昔盛舉可復見也則所謂祠田蓋汲汲  
矣誠因其廢而奮興或出於登仕者或置自公舉者或因宗  
就乏絕而入者祠既有田伏臘之祭對越祖宗其愈乎不



惟於祭可少慰抑且士有資貧有賴婚喪咸有濟子子孫孫其勿替永思乎辛未九月朔余立祠匾題額奕世不朽後裔魯學周承周等來謁謝曰祠營於戊辰之冬重建始祖墓之東南越三年庚午春告成備述始末請祠記余曰簡肅之祠墓相接益見子孫之孝思不置夫墓者慕也慕先賢之德澤而守之祠者嗣也嗣先賢之詩禮而振之不徒美輪奐奉祀而已也尚期象賢鵠起光厥祖隆厥宗哉

張忠獻祠嘉興府袁志在東十九都盤字圩里名蒹葭園祀

宋尚書右僕射同平章事魏國公諡忠獻張浚以右文殿修

撰贈華陽伯諡宣張栻淮揚判官張溥配新纂續以元青陽

令張燦明處士張廸配

張者張氏宗祠記宗之有祠用以致孝享聯族誼我族自忠獻公以來十

九傳而祠堂始成非敢緩也殆有待而成也凡為祖考者孰不欲昌其後然或累傳矣而子姓未必蕃蕃矣而業未必裕裕矣而詩書禮樂之緒渺焉難續有志者恒嗟惜之粵稽我忠獻公六世孫德夫公數遷而至當湖再傳而元陽公之裔

散居黃圩元光公之裔散居獨山湖田惟我靜菴公為元光公會孫始自獨山繼遷蒹葭雲初之眾列於譜牒者他族莫敢望非庇祖考之遺澤能有此與乃閱九傳而祖墓儼然宗祠未立其若先志何崇禎庚辰時先嚴在堂從兄元禎冲元翼宸與伯兄王綱僉謀卜基盤圩始構祠以奉忠獻公暨南軒公德夫公元光公靜菴公堂構初就卽遭世變簷題蠹於風雨墉茨侵於雀鼠無以處妥靈順治壬辰著與兄甫姪人傑一謀葺之然而祠限八址素塚數十楹尚以愀隘為患康熙己酉著與兄甫既修譜牒復謀有以廣其規撫者疇咨綜理蓋難其人幸姪治洪慨然為已任率我宗人裕者輸財能者輸力鳩工庀材百廢具舉基隘者擴之室未備者增之垣籬級磚之壞者更新之不半歲告成有堂以奉始祖之神主有寢以藏近祖之耐於祠者齋庖有序盥洗有位復構屋以翼其前中顏曰宋魏公張忠獻之祠旁延僧人居之以司啟閉於是祠之規制粗備明年春姪治洪復倡捐祭田以供祀事清明之晨族人咸集謁墓訖宗孫齋沐入門興伏裸獻咸中儀式若司贊若司祝若司奠司器各擇能者以勸事煇蒿祇肅罔敢跛倚飲福頌胙彬彬如也族之子弟莫不喟然歎興於禮是舉也品母過豐惟其潔儀母過繁惟其誠詳據家禮俾垂可久嗣後歲一行之益致虔不怠祭畢著言於眾



曰祖宗之澤長矣然待之數百年始有祠又數十年始有田致祭何其艱也知創之難則其守之也必固使我宗人不能勤職業明禮義以自振於俗且貧不相恤患不相拯棄骨肉若路人是無以充宗而敦本也祖宗有靈必有瞿然不寧者又何貴有祠也况我祖忠孝理學炳然史籍凡學士皆嚮慕之為子孫者顧瞻几筵可不思所以自勵與允若是將祠之立庶非具文而後之克昌祖德以為俎豆光者著今日其尚有待眾咸曰唯是不可以無記遂書其本末以勒於石張南張氏祭田碑記我祖處士靜菴公生於明洪武初年由獨山而肇基蒹葭子孫遂廬墓相望於此土今統闔族言之處士為十一世祖從始祖忠獻公順而下也就蒹葭一支言之處士為八世祖由南湖而上也甫少時展讀世譜自忠獻公以來歷宋元明四修家乘其諄諄垂訓者惟祠堂祭田二事因欲身任之以慰前人艱於遇合願莫之遂崇禎庚辰從兄元禎翼宸與堂兄冲元王綱僉謀於處士墓東半里結構數椽名曰宋魏公張忠獻之祠而先靈始有依矣迨順治戊戌甫偕族姪應瑞重輯譜系存其真剛其偽而族誼更敦睦矣祠有神主譜乃舊牒皆從忠獻公為始茲康熙庚戌甫念几筵雖設俎豆未陳以祭田商之余姪治洪治洪遂謀之嫡兄長生長明各慨然首捐腴田一十畝治洪復另捐一十畝以贍

西廡冲元祭享之需由是弟著捐田九畝四分朽甫捐田七畝一分姪湛原泓各捐二畝淡捐一畝一分度蕃捐三畝三分姪孫仁茂捐田八分曾姪孫書佩捐田一畝七分每歲清明之日得以少展孝思即子姪與祭者咸知若者為昭若者為穆若者為祖父行若者為卑幼行尊者尊之親者親之是祭事一舉而上妥祖靈下貽孫謀我族或藉是以不衰云然不統闔族而謀之何也當湖之有我張氏自德夫公溥始公為忠獻公六世孫從臨安而寓居姑蘇又從姑蘇而避亂當湖再傳而生殿中都尉元暢公暨青陽令元光公今都尉公之墓在蘆川其後則北分黃圩諸裔也即青陽公之墓亦在獨山雖甫等一支從此分派今之居獨山湖田者又去蒹葭遠甚惟我靜菴公及高祖東澗公之墓與祠密邇可以同日告虔甫是以有蒹葭捐田之議而祠祭以忠獻公為始墓祭以靜菴公為始也然尤望今之亢宗者謀之闔族廣置祭田請於有司復其租稅族有貧乏者周之族有孤寡者贍之族有讀書穎異者教之育之是祭田即為義田而尊者益尊親者益親將數百年之祖訓遵而數百年之祖心亦慰矣爰序之以表我志浙江通志張治洪宗祠記畧自忠獻公六世孫淮揚判官德夫遷居於湖處士靜菴自獨山繼遷蒹葭園子孫保聚於斯構祠以奉忠獻公暨右文殿修撰公德夫靜菴



二公歲在庚辰登仕郎完初構椽而落成之庚戌治洪謀之叔伯宣形先兄介眉朗辰共捐田贍享立碑宗祠撮其要云

陸象山祠程志在東城內祀宋將作監丞知荆門軍諡文安

陸九淵徐階象山先生祠記語有之莫為前美弗彰莫為後盛弗傳竊有慕乎洵開軾轍午續祁奚絳與景繼起

儉與泰齊名皆喬梓爭榮華萼相輝者也孰有如奕葉永承箕裘遠紹歷百世而彌光越兩地而並耀如陸氏者乎陸自

象山先生得孟子真脈從祀孔廟諱九淵字子靜先世吳縣人長水吳境隋亦屬姑蘇唐德宗朝宣公為名相厥後八世

祖希聲復相昭宗諡文公孫德遷五代末避兵燹入撫遂籍金谿十世同居延福鄉之青田二百餘年合三千餘指共居

一爨宋詔旌義居父賀學行著鄉黨酌先儒冠婚喪祭之禮行於世生子六九思九叙九臯九韶皆奇傑韶與文達公九

齡及先生世稱三陸迄今祠祀焉先生三四歲常掃林間宴坐終日過者注望稱羨一日侍父行忽詢天地何所窮際父

笑而不答遂深思至忘寢食讀書至宇宙二字輒大悟曰元來此道無窮人與天地皆在其中援筆書曰宇宙內事即已

分內事宇宙即吾心吾心即宇宙讀孟子即契悟自得至先立乎其大者一語終身效法焉嘗云道外無事事外無道纔

警策便與天地相似其立教直指人心本然至善使從此培養日克日著令人就血脈上轉移故多感悟興起隨寓講學

父老子弟數百人莫不感動或勸之註書曰六經註我我註六經結精舍貴溪之應天山山形如象題曰象山先生門人

遂相稱之嘗謂孟子之死真不得其傳直到濂洛得不傳之秘然草昧殊晦今日不令大段光明更治何事故孟子之道

益光登乾道八年進士主考呂祖謙一見其文遂決此江西陸子靜也少遇靖康兵亂即願請纓博求知勇士議恢復後

輪對劄皆格心經邦要語首重讐耻未復孝宗亦感悟居官時故事上元設醮為民祈福乃會吏民講洪範皇極一章以

代之聽者感動泣下與朱熹會白鹿洞講君子喻義章諸生亦感悟為泣熹嘆服謂中學者隱微深痼之病跋講義刻石

於洞中會禱雪驟降語家人曰吾將逝矣遂沐浴更衣而卒其履歷官蹟載史冊不復贅嘉定八年諡文安從父筠紹

興乙丑進士姪濬中嘉定辛未榜子持之循之姪渙之皆以理學見重於朝野理宗時四世孫貞恪公啟楨為嘉興路巡

檢使橋寓於當湖鎮復還吳境山川不改井里自如入國朝升鎮為縣遂為平湖始祖建祠於城之隅肖先生像而祀之

登其堂金壁玲瓏朱藍燦煜冠裳禮樂之盛無損青田之遺制焉叨世祿綸為夾江令琳為名侍御品格政績詳載趙師

祠祀上



相貞吉陳掌院灼碑記中琳之子夏津令山從子南康郡丞  
鰲俱有惠政歲月浸尋星霜剝劉榘傾圮葺斷碑山又  
堂構而聿新焉侍御季子宓執經於余學以為已為主嘗曰  
孝弟外無餘道孝弟外無餘事一先生理學源流嘗慨宋武  
好荆蒔藏禊禊之衣示子孫揜口笑莊家之拙齊人好筮筭  
戈矛有告以鄒魯絃匏事見謂迂濶老頭巾語乃陸氏吳而  
越越而楚楚復歸吳家學淵源數百世如一日固已度越  
他人門間幾等矣祠葺竣徵余為記因焚盟而志其畧

林氏宗祠朱志纂在清水墓辱字圩祀宋福建安撫使林肇

海鹽教諭林與明贈刑部員外林鳳荆湖僉事林桂以代府

教授林雨太倉學正林中芳處士林中英處士林日錦配

靈溪陸氏宗祠朱志在密灘祀宋進士陸能仁處士陸百乘

處士陸德潤元進士陸景雲登仕郎陸誼處士陸騏贈文林

郎陸序以封奉直大夫陸謙廣德知州陸鳳刑部主事陸槐

贈布政使陸傳教保寧知府陸懋功封布政使陸瑞銓日照

知縣陸又機山西布政使陸之祺舉人陸上瀾配陸之祺陸氏宗祠記

吾當湖之陸莫不原本宣公而宋元以來即有分支於是各

尊其所自出吾族之以靈溪名支也自壽春公始也公從鹽

官徙居靈溪四百餘年矣吾子孫即奉公為始祖則別子為

祖之義也而未有宗祠其後薄有祭田越數年始一墓祭於

迨遠之意未伸今康熙己未宗人天如叔物故叔固有二子

先後夭亡今所存者僅亦襁褓之孤為長子後議者尚欲為

次立繼以叔無治命不果於是集眾思而商之以為叔遺產

尚足承前裕後須為作不朽之舉以永其貽厥之謀叔有廢  
宅在密灘曠而不居何不捐而為祠此祠所自始也既有祠  
須有田以贍其祠復勸捐田三十六畝彙先後捐置義田祭  
田共一百六十餘畝此祠田所自始也既有祠復有田乃卜  
吉於庚申長至奉各主入祠是日也衣冠咸集鐘鼓鏗鏘陳  
牲薦幣悉從典制亦洋洋乎盛舉矣嗣後每歲擬于十月朔  
集宗人於祠采蘋蘩以展孝思祠租有限寧儉無奢也祭所  
餘者子孫亦得沾惠此詳載家乘夫以四百年所未有今美  
輪美奐光吾門墻可不揆其所自來乎夾輔以成其貌孤敦



睦以彰其永好余雖  
毫猶倦倦屬望焉

石莊沈氏樹德祠朱志纂在石莊里房字圩祀元處士沈武

康明將仕郎沈溱贈修撰沈宏光國子監司業沈懋孝舉人

沈懋莊生員沈懋嘉舉人沈瑞錫生員沈瑞鑿西平知縣沈

棻康熙二十四年其裔沈季友改建績字圩陸棻沈氏樹德祠記宗祠祭田

之設所以濟通族之窮盛舉也然今世士大夫家行者絕少

蓋其初未必無一二縮綸曳綬之彥為之開其先而後之人

稍稍衰弱不能復有所振興則其事往往而替石莊沈氏者

當湖望族自肖山公建大宗種德二祠始有培植宗子之產

至司業晴峯公推而及于小宗于是有田八百畝為宗人吉

凶之費膏火之資意在垂奕禩無窮也不意再傳而宗支失

守祠產蕩然肖山公遺業至不可問逮藕菴公成進士出宰

汝寧之西平矢願興復而歿于官舍實志未遂嗚呼盛事之

難繼也如此我婿季友為藕菴次子嘗喟然曰祠事久湮親

親道廢屬在世裔敢以力薄自諉乎乙丑冬偕其羣從與炎

學與照等商所以紹述肖山者集族人而議之有田之家捐

百分之一田以外別捐資若干復建宗祠數椽海峯環其左

湖不縈其右顏其堂曰樹德所以為勗也請于邑則邑公可

之請于院則學使者嘉之刻石勒銘以彰不朽于是族之人

貧有助老有給婚有資喪有卹歲時薦飲長幼畢集蓋油油

乎敬愛之原也丙寅屬予為記且曰自今以後吾宗苟有興  
者可紹復舊規無難矣余惟今世士大夫子孫寒素者自分  
為力所不及至富厚盈溢之家又屑屑焉較錙銖權子母以  
肥其身貽其子孫享五福之一曰富斯已耳何暇為水源木  
本計乎今沈氏之為是舉也使夫世家大族已行者益敦未  
行者知勵風俗之偷  
其有艾乎是為記

清溪沈氏宗祠朱志在齊都恥字圩堂曰追遠祀元處士沈

文俊左右耐祀明處士沈達之處士沈珍處士沈昊封兵部

主事沈昇封工部主事沈渭廣州知府沈琮山東道御史沈

瑋贈刑部主事沈樾貴州參政沈棨蘇州府經歷沈樟處士



沈樞江西參議沈煉歲貢生沈堂處士沈至初在文昌祠後

改于夕照菴明泰和王直夕照菴記監察御史沈肆奉其父

徙邑之清溪惇本力穡而詩書之業未嘗廢今幸吾子琮璋

遭遇聖明享祿位而昇蒙褒封之典慶澤之敷遺厚矣豈敢

自同於眾庶而不思所以報哉乃於松楸之東拓地建菴以

祠焉而菴則以夕照名願有記以示後夫古之君子致嚴乎

先者莫重乎祠而必以菴者匪特實境莊嚴使神靈有所依

而尤借梵燈以照耀令厥祖共登覺地此命菴之意所以祈

報夫先者綦至而又設祭田七十餘畝命住持僧春秋備物

行禮垂之永永令後世子孫當祀之日少長咸集尊卑疏戚

秩然不紊倫理正恩義篤無忝於其祖誠可為厚於孝者矣

向使無祠以奉祖考而又無菴以會子孫不幾下同庶人之

薦哉聖朝之治旌孝以勸忠仕之賢者必褒及其親沈氏祖

宗既立德於前子孫復善繼於後孝慈兼至其宗祠之光榮

禪宇之隆盛寧有既耶故為之記以勉其為後者沈岫沈氏

宗祠記我沈氏之有宗祠自封兵部主事東林公昉也我始

遷祖清遠公裔出洪城元末從湖州馬要鄉徙今清溪里有

仁善聲越數傳而封兵部主事公以子郡守石憲公侍御青

壁公相繼舉進士拜封典思所以崇其先乃于居室之東拓

地建祠首祀清遠公次南楚公次清溪公等而上之近在四

世之內然公非宗子也至我封工部主事可開公彷彿圭田遺

意創置祭田四十九畝用供先祀于清遠公近在五世之內

為繼高祖之宗實世世不遷矣祠之故址相傳有碑在密基

東今祠已非封兵部主事公之舊祠基三畝六分相傳為中

四房禮讓則併非封工部主事公之舊矣嘉靖中倭寇猝發

巢我沈莊祠宇幾不可問後溪公肇建三楹至我曾大父封

憲副寅所公廡為五楹堂曰追遠中奉三世如初增奉碧瀾

公封工部主事可開公左贈刑部主事樛軒公少叅一山公

明經裕齋公右則宗孫世祔焉蓋祖清遠公別子為祖之義

也以世次著其代也無旁及明其宗也家乘載祠饗清遠公

以少參公配意清遠公塋兆無考少參公故宗子宜配墓又

遠在黃山古不祭墓即以祠祭代墓祭于禮不為失也自是

周而垣之者為春麓公復而孺之者為文學恒季公至崇禎

癸酉以風圯明經與仲公葺而固之厥有成績嗣復祀宗房

之居祠前者頗褻康熙甲辰移建于祖塋之東宗人稍不利

辛亥仍移祖基東時文學藏之叔輪公元諸公董其役且以

宗房外三大支後振繩與宗房等并祀大叅吾匏公太學西

谿公暨得生公班贈刑部主事公之列而以世次及于少叅



公明經公止焉以小宗之分祖耐食祖祠其于傳所稱尊祖  
故敬宗敬宗故收族之義當有合乎前後所置祠墓田譜田  
幾二頃祠之前楹未建尚有待焉舊存泰和王少  
傳文端公記明經吳仲公家乘志謹纂而識之

倪氏宗祠朱志在清水墓祀元博士倪保一明封禮部郎中

倪珣湖廣左參政倪輔贈刑部郎中倪熿明倪壯猷倪氏宗祠記凡祠之建所

以崇尚先德而兼勵翼後人也吾倪氏在兩浙為望族子孫  
蕃衍先祠在江南者不一其漢唐宋顯著者詳具舊祠記當  
湖之祠則自博士保一公始創而圯者再吾先比部郎中簡  
齋公復新捐田若干畝建室九楹後予備兵黔中伯子鍾醇  
召僧圓宗守焉予又捐資建堂三楹而門庶稱是若儼然臨  
于上者既以表揚祖宗功德亦令子孫歲時瞻拜祠下景仰  
型範孝弟雍睦世世奉祀無或廢墜也夫璞必顯而王玉必  
琢磨而為圭璋瑚璉願吾子孫登仕籍者在士林者居鄉閭  
稱善良者各自策奮俾德行疑遠志節卓越  
庶可比蹤先烈不隕家聲是予所厚望云

盛溪孫氏宗祠程志在大易鄉祀元徵君孫固處士孫彥節

處士孫忠明贈刑部尚書孫軒伊府教授孫璧雲南僉事孫

璽刑部尚書諡簡肅孫植以刑部郎中孫成憲舉人孫成名

監生孫成倫監生孫成文監生孫成紀大名副使孫成泰配

陸氏世德祠程志在石牌涇

按舊志不詳所祀何人祇載明勅建尚義坊考坊為陸宗

秀立今載坊表門而仍著其祠

劉氏永思祠程志纂在清溪祀明御史劉泰按泰係海鹽籍堂曰永

思因以名菴其孫教諭劉稅建陸祚蕃清溪劉氏分于海鹽之

陶涇其宗祠之在陶涇者曰同春堂贈侍御景儀公鳳所建  
在清溪者曰永思堂則司諭汝升公稅所建而文學自公公  
棕重葺者也嘗讀張都諫鄭端簡諸先輩所敘劉氏宗譜知  
劉氏始祖名衍字世昌本陳留人二世祖名恂字仁山元至



正四年以明經擢任鹽官州學正子孫遂家于陶涇里其清  
溪支則景儀公第五子鄉飲大賓名雄字耕隱公之裔也自  
仁山公以來子孫登甲科者十人內為侍從郎曹外為藩臬  
守令明經一職者十七人印綬簪纓光于兩邑祠規則大宗  
而外貴者一職者十七人印綬簪纓光于兩邑祠規則大宗  
文學行誼夙推里中祭酒重葺先祠規模弘敞益修明譜牒  
增設祠田謹率祖先孝弟忠信之遺以收族鳩宗如水然源  
遠矣流更加長如木然本固矣枝更加茂清溪之祠不且與  
陶涇永永相輝也乎

陸豸史祠程志在啟元門內祀明巡按四川御史陸琳

貞吉豸史祠記此豸史玉洲先生之行祠也先生姓陸諱琳  
號玉洲浙之平湖人庚午科發解于浙始令清河有異政得  
民之深民皆尸而祝之聲聞于朝拜為監察御史始按湘繼  
按蜀風紀肅肅公曰任法則泥任情則流臺諫者朝廷之耳  
目不可少有所偏以病天下公則以法不以情剔其宿弊刈  
其巨奸整刷化源勦寇患薦揚遺逸憲度剛正中含陽和  
上下得所而邊塞之俗尤為緩服乎又貞矣哉蜀之受惠實  
為數百年一見也公之按蜀歲在乙未予亦以乙未入春官

禮闈選授翰林公之長孫萬鍾次萬里受業子門子後以多  
故南歸十年餘近受聖眷日隆台鼎重任愧弗能勝萬鍾亦  
擢工部所正來京獲聚備詢公之始終履始知天官卿知  
公之詳以公外補撫守寄以安民以屏東南公至撫清苦自  
勵如寒素百利俱興凡弊之所當革者悉為之革撫俗好訟  
畏感歸和其訓士也諄諄以孝弟行義為本而迺其良焉惠  
民之政猶夫清河而民之懷公也亦猶夫清河以按則肅以  
牧則惠道大行也不泥不流不剛不柔雖古之循良賢吏亦  
莫之先凡夫澤在天下者名在天下公其無疆者哉聞公清  
河有祠祀以功也湖邑舉公入鄉賢祠祀以德也公之家子  
山復立公之行祠以繫遐思此欲綿其恩也祠在城東隅城  
之外湖水停蓄方員十餘里湖之東南九峰環峙若拱若揖  
亦祠之形勝也鍾具述且拜冕子記之以輝將來因辱公之  
素愛不能辭子蜀人也亦不容辭遂書以永碑刻明臨川陳  
灼豸史祠記嘉靖四十三年甲子歲平湖光祿懷洲君構其  
先侍御玉洲公祠成越隆慶辛未余視事江淮走幣致狀于  
里餘徵記言于余將以識不忘也余昔為學官弟子時侍御  
公為吾撫州守命其叔子豐季子必屬余受業焉因得與懷  
洲君友善知公為詳公諱琳字文珮玉洲其別號也領正德  
庚午鄉薦初令清河邑當要衝且壤地瘠隘民不聊生公為



之綜理衣不解帶者六年邑大治民戴之若父母銓衡論績  
為天下第一擢河南道御史立朝侃侃多所建白按楚蜀二  
大藩恩威丕著乎西南冠有偉績本兵論功有白金文綺之  
錫為時名御史出補撫州守首復學宮侵地文教大振決帶  
獄數十事囚圖為空先是政令有不便者釐革殆盡會饒郡  
鎮民嘯聚為亂當道檄公往平之公至開諭數語而其黨悉  
解散治首亂者罪鎮遂平為時名郡守居鄉恂飭自治孝友  
成性道義儀族不履公庭賢愚樂附為里居盛德長者夫公  
之功德在人心令典在朝廷公論在鄉評各有所祠以血食  
之矣迺冢嗣光祿君克承考志始倅臨清縣一阜平夏津二  
劇邑累官光祿正成能恪守家訓不渝尺唐一祠之一如侍  
御公尤長于著述公之功德得光祿君益以闡矣茲復有祠  
之建何哉蓋典重功宗禮殷元配公之盛德大功而不有專  
祠光祿君弗忍也于是卜居于邑治之東啟元門內南上東  
面別為樓三楹間南向肖公之像而主于其上歲時奠享合  
昆弟子姓而拜于其下八窻玲瓏高爽明豁九山列屏九水  
橫帶公之功德固有與是祠亘天地窮古今者豈特當世之  
民荷之戴之已哉先是肖公像成光祿君瞻拜侍側覺公像  
相顧微笑公之神固無往而不在也光祿君誠孝感通之極  
亦奇矣維時宗姓咸集躬修祠祀執事有恪冠裳濟濟蘭玉

森森將有睹公之祠而益興起焉者殆未艾也用記之以為世之觀風者采焉

陸孝子祠朱志在東湖左祀明光祿署正陸山

明王建中碑記當湖陸孝

子祠祠孝子陸公山也公號懷洲前御史公諱琳號玉洲之  
冢君六歲喪母鍾氏又喪繼母劉氏哭踊一如成人後奉繼  
母馬氏至孝當御史公未第時患癰毒甚危公虔禱金山廟  
即愈人謂孝感所至故邑中咸稱孝子云漸長進退容止一  
稟于禮下帷講讀雖祁寒盛暑不輟九試九躋遂以貢選受  
職初判臨清力阻散草十八萬以蘇民困平兌運柳豪軍每  
遇冤獄及流移囚徒等輒理出之連署三縣俱有惠政陞阜  
平令阜邑方遭水患逃者過半公勤招撫減雜差民得安枕  
以才調繁夏津裁往來夫馬減里甲供輸表良鋤惡崇學賑  
貧邑民建祠以祀旋奏最擢光祿署正謹率奉膳無漏卮焉  
尤潛心理學仕優著太極圖解于臨清城隍廟有記于夏津  
泮池遺愛祠時兩亭有記于阜平正法寺明理解有記各載  
縣志垂不朽予告林居以著書吟詠為事所著有孝經正義  
四書外考學庸略節論語集疑孟子廣義追和唐人詩篇皆  
能發前人所未發非僅經生家言也待諸弟姪輩恩義兼至  
以經學相砥礪其貧乏者助之立宗祠每歲冬至日則合族



致祭以重本始既又思御史公尸祝滿清河忠義滿朝廷專業滿湘蜀而家無專祠弗忍也乃於邑之東創豸史行祠肖御史公像聚子姓以時奠享受像時公瞻拜侍側覺像相顧微笑誠一孝感通所致公既捐館子孫歲時伏臘撫手澤之猶存念音容之莫再其所以致思于公者一如向者公之致思御史公也于是庀材相地為祠于東關外其所以報公之功崇公之德者一如向者公報御史公之功與德也孝于親即以教其子若孫是孝子之後有孝子也噫孝子傳矣

劉氏世德祠程志在南司左祀明刑部主事劉玘贈兵部尚

書劉希聖

懷德祠程志纂在太平橋左祀明給事中馮汝弼今廢為育

嬰堂

王世貞碑記懷德祠者祀故諫議平湖馮公者也公舉進士拜行人奉使便便有僑居風等入諫省論糾中貴大臣直聲動天下出而再宰嚴邑一願望州所至號為神君中尼於忌者竟掛冠歸享壽七十有九其成進士迨捐館垂四十七年然為德於州邑以歲數之不過十之一二而為德於其鄉則十且八九以故公甫歿之踰月而諸生沈維鏡等

請於令願祀公于鄉賢三老徐燮等復相率請于令願法為祠以報公令劉君異之為再覆其事咸信乃下教特祠祀公命其祠曰懷德而屬不佞記其事不佞公門下士也不敢以不文辭竊讀三老等所上事大畧云公居恒謂家居不習計視官而具少奉羨即以收棄田而治之皆成上腴又以其田罷官而具少奉羨即以收棄田而治之皆成上腴又以其田入益斥置旁畝已又以其法教邑中耕者已又以其為州邑時賦三則及助徭法語守令行之亡何邑田皆驟貴于是公喜曰吾可以為德矣其首施則伯仲子姓有四時衣帛廩餼之供諸習儒者教之農者田之賈者資之稍次施則五服之親屬其衣帛廩餼之供遞殺而吉凶緩急靡不于我取資其最後施則邑之老者疾者無子者不能棺者叩之即響應而



祠公殆兼君雲仲卿而有之矣於乎賢哉公諱汝弼其大節著于諫議故特稱馮諫議云

張高士祠高志在北門月城祀明生員張洽以廣東布政使

張大忠配先是洽以平倭築城首功督撫欲請於朝爵之不

受獎以地宅洽為建廟月城為國祝釐既而邑人懷其德迎

洽與大忠位合祀於廟至建中張高士祠記祭法曰法施于民則祀之能禦大災能捍大患則祀

之蓋重其衛民以衛國也我湖舊隸鹽官宣德五年始析縣

草昧闢壤未育以郭瀕海二十里與金山乍浦白沙相迤邐

乃三吳一保障也嘉靖甲寅島倭內訌時鳩晏安民不知兵

一旦躡入喬尉戰沒野無堅壁屋無烟燹傷哉脊脊矣邑有

高士愛川張君諱洽稱宋南軒先生世裔素侗儻抱經濟為

博士弟子員因倡義呈院道請兵請城且戰且築時總制梅

林胡公巡撫山峯阮公共擊節嘆賞曰儒生中有此國士乎

誠所謂識時務之俊傑也乃下其議於郡縣給與馬董參軍

務邵伯劉唐菴公邑侯劉漢樓公皆以意氣相許同居寢

食為之荒度方輿督士民計餼糧勤版築據險憑河延袤九

里有奇建水關五座是役也創作艱大財賦不支拉姪方伯

春宇公諱大忠者尚列諸生行首捐三千金募傭伐石率先

興畚鍤築陸地水門阨塞于是給諫祐山馮公莊簡五臺陸

公大參華陸姚公刺史見山楊公封翁九衢馬公共襄其事

凡三月落成昔之榛莽今為崇墉昔之窳窳今為金城昔之

竄匿者今為安堵矣然倭勢方熾督撫諸公獨借箸張君君

乃進曰徐海桑梓在中國豈無墳墓之思乎負嶠之虎易逞

而難馴若急之則噬啞愈甚不若陽給而陰圖之為便也當

道益偉之乃先賺之退據沈莊使無四出即假張君使臣節

戕冠博帶單車詣賊營曉諭使降倭首聽命率醜類三百類

列隊進城劬伏轅門君權為草詔開讀聲其罪宥而赦之頒

賜冠服金帛有差諸倭懽呼動地又潛行間囑海圖縛陳東

麻葉以獻此時海已忘備矣君遂密啟三院檄諸路兵至直

搗其巢先以火焰燒屯聚大兵繼之殲滅無遺種獻馘中髡

禿而衣錦袍者眾指為徐海也當道論功績最懋將請于朝

爵之辭不受資之金錢辭不受乃獎示兩浙宮墻胡阮諸公

為之相宅置田賜地若干君乃建廟于月城奉大士三元以

為國祝釐焉此其大者他如培族黨周鄰故賂庫帑以全宰

胥代贖鍰以避戍配割產捐價以置學田及歲荒疫勸姪春

宇公鳴虞公發倉粒五千石減價平糶全活無算君歿之後

平明系志 卷四 祠祀上



邑父老以澤在扮榆評在月旦功在城社乃迎君暨方伯公之神為廟奉祀從民望也君之生平功行在鄭端簡公誌與府縣乘學碑記中後之君子表章以崇祀典君其不朽矣

陸莊簡祠朱志纂在南司右萬歷四十六年建祀明太子太

保吏部尚書諡莊簡陸光祖歲春秋仲上丁後一日致祭馮

禎有記文 闕不載

陸鴻臚祠程志在東湖右祀明鴻臚寺主簿陸志忠施鳳來 碑記畧

陸生廷掄尊人諱志忠與弟中憲公諱志孝同補博士弟子員試輒高等亡何中憲公以射策甲科累官二千石而公屢躡棘闈喟然曰我矻矻窮年博青紫為先人耳幸弟先著鞭成吾志安能從白眼少年鬢首驚面逐促場屋間乎遂棄去吏隱鴻臚署中然非其好也居恒喜急人之難昏暮叩門若取諸寄中憲公宦遊四方代秉家政羸美犁然人言季子位高而多金其實皆伯兄經畫之力也丈夫子六人俱世其先業而叔子廷掄久困諸生家益落頗似南北二阮然獨力建

祠祀鴻臚公者乃廷掄也先是公有別業濱湖東已售而廷掄復之遂卜築焉廷掄故有田一頃割其十之三供祠中伏臘之祭以為此勞薪之炊即先人胼胝之餘也嗜芟嗜棗其少慰乎

存巖祠張志在湯山瑞祥寺祀明冲夷處士陸鏡順治二年

建乾隆三十三年其裔陸肯堂重建以孝子陸倣孟配宋咸 湯山

存巖祠詩步出城南門山隈白雲曙故人掩淚看孝子思親處

陸氏宗祠張志在東湖孟秀浜祀思州府知府陸世楷乾隆

二十二年其裔陸銖重建

陸清獻祠高志在縣治東南即明兵備 道廢署基乾隆八年知縣高國

楹建邑人陸炎夏黃瀛陸 介煊等捐資營造並捐置祠產新纂祀四川道御史

贈內閣學士兼禮部侍郎從祀文廟諡清獻陸隴其歲春秋



仲上丁後一日致祭

巡撫常安碑記天生聖賢非以為一世之人也將使生乎其前者統緒由之

明將使生乎其後者淵源為之紹續故人而有志聖學則其

一身具有上下今古之責而道統傳焉人心正焉此其所係

非偶然也平湖陸清獻公終身講學而以其學問所得發為

政事文章方下帷發憤時即取朱儒諸書反覆參訂其意豈

徒以獵榮名為温飽計哉致力於克己復禮之間求詳於主

敬行恕之說而終之以變化氣質蓋其志趣固已迥出一切

矣嗣是任邑令居諫垣所至卓卓有聲而考証乎先儒之醇

雜辨訂乎學問之宗旨孜孜乎不知其身之既老也竊嘗論

前明諸儒生於國初者尚能由金許之傳以迺周程之旨自

良知說起王畿甚之而格致之義渺如矣清獻公生於數百

載之後慨然力闢其非充養邃密似薛文清主敬存誠似胡

敬齋而躬行實踐不誇默悟覺白沙生平所為養端倪於至

靜者猶未免存養之意多省察之功少矣我

朝振興雅化崇獎先賢既祀於黌宮又立有專祠至是有司以

其碑文來請余謂聖賢以道德相授受苟能學清獻公之學

則即千里而遙與夫百世而下尚有繼其心源想其議論風

旨幾幾乎誓歎可得而親几席可得而接者况平湖乃先生

桑梓之鄉去今未數十年登其堂舊址斯在敬其篋遺編斯

聖朝

陳想當日之勤勤懇懇紹述乎斯道者其身而存則以為一

己之任其身既往則責在後世之人即不獲親炙而未有不

願立門牆者也其能無穆然而思憬然而悟也哉余宦轍所

至每樂表章先哲之遺踪至是蒞浙若魏塘六賢既為之碑

平湖縣志

卷四 祠祀上

五



國

國家以清獻有功聖教既從祀文廟復褒以贈諡崇儒之典曠古獨隆顧考諸邑乘二丁釋奠僅附祭於陸宣公祠崇報未專為慨然久之甲子春邑令三韓高君國楹首捐廉俸卜基繪圖鳩工集事逾數月門廡堂宇巍然煥然秩秩有序俎豆駿奔不懈益虔陸氏子孫請余文以記余維浙中人士類多尚詞華驚聲氣罕有能紹述金華四先生之理學而講明濂洛關閩之旨者微清獻則斯道之傳曷其有賴今公所著作具在苟讀遺書而附於私淑艾之列則教澤流於無垠平湖即鄒魯也祠宇之新豈惟邑令之賢有足誌或亦沿流而探原挽華而崇實以為式化風俗振厲人心一機歟因樂為之記知縣高國楹碑記嘗聞諸達人

國

朝文學最盛誇博覽為詞章者多矣卓然可以振當世垂無窮者蓋鮮蓋所謂文學者特專志于佔畢之間而程朱以後載道之文學未有孱墜緒於數十年以後者又何怪乎振當世垂無窮者之鮮也自公出而紹厥統然後總有明至今百家諸子之教濫而詭宗分而問者薈萃而斷於中以可質不疑可俟不惑之說筆之於冊則有若學術辨困勉錄松陽講義太極理氣論諸書讀其詞預聞其教靡不若飢得飽熱得濯病得汗解自學士大夫逮及販夫牧豎之徒又靡不欣欣得意若懷寶而去者是以公歿數十年書行益遠而風

憲廟時

皇上

流彌永

既崇祀兩廡我復褒贈易名製文勒石樹之神道燦如也鄉人士艷其寵異更相與歌思其為人以為祀廡曠典也百年而祀者一人異數也維桑與梓曷勿專祠以式敬恭而昭勸戒斯言也觸予仰公之懷今幸而蒞公之鄉勿敢闕也聚鄉之俊與其族之彥者集厥議上之當道報可而後經始之起癸亥六月訖甲子五月凡匝歲而告成予生也晚未得聆公之教而猶得營公之祠以祀公髣髴公之生平且樂得其鄉族之勿忘公之嘉言懿行也是何可無一言以記之余竊見夫學道者矣當其師友授受遞相傳述各立宗旨分門別戶遂至錦筭易投榛途莫啟而公獨遠尋脈絡恪守程朱俾數十百年以來既墜之緒修而明之無復蹈跡疑心迷宗滯教之憂然則文之為文其在於斯豈不可振當世而垂無窮乎此祠之所以創而余與其鄉人士守先待後之意亦存乎其中矣錢塘施安謁祠詩我來鸚鵡湖訪古從故老顧瞻三魚祠翬飛當初造天際遠峯垂橋邊流水繞不嫌樹週遭而喜城環抱念昔元明間經學紛搜討閒世得我公示之以坦道千載有薪傳偽學藉一掃宜乎彼都士相與薦蘋藻束髮空為儒置身苦不早仰企公清風此心怒如擣高嵩詩崇祠遙映御湖清遺範



盛朝

長深仰止情抗疏遠過陽諫議說經常聚魯諸生政傳循吏  
 真無忝望重儒林况有名如見講堂開故里共看隆棟接高  
 城金章奕奕榮千古俎豆森森奠兩楹誦法自慚聞道淺拚  
 亭端為  
 廣陸天錫詩有美承儒統維桑表廣居五賢虛地左一塔聳  
 城隅風月人如在荃蕘庭可疏瓣香深嚮往重欲輯遺書甕  
 安傳玉書詩神祖聖伏百氏狂高者老釋卑申商巨儒先後  
 痛除掃異物不得干宮牆豈知害即在逢掖晦蝕大道存微  
 茫一從俗學尚聲利讀書無復論真偽剽章裂句相矜誇六  
 籍祇足供塗飾一朝志得棄如遺一字不關身與世因沿陋  
 習安所窮詩書無用成虛器智者視此宜鄙夷那又師心出  
 新異象山一幟揭陽明別傳欲變朱程例性與萬物本一原  
 窮致會通須次第舍物求心墮窅冥躡等任私害非細一唱  
 羣和二百年盡驅高明入妖祟吁嗟乎六經四子安得五矛  
 盾乃令老子空王主和議偉哉先生生  
 獨剖源流洗蕪穢居敬窮理平不頗脩身及人務實詣陋俗  
 聞之一振興如起死人得生氣又如赤日懸中天宿霧沉霾  
 散無地先生之功自千古肩隨洛閩師鄒魯雍頽從祀遍區  
 宇何况墳廬在鄉土當湖之水何洋洋先生遺  
 風海天長六經不刊道不喪當湖之祠永無恙  
 四十六年知

盛朝

縣張力行以祠產刻石

張力行清獻公祠港相記昔朱文公

守者為趙汝讜并肖文公像曰四先生廖憲攝頓篆祠羅念  
 菴置田若干畝入粟以奉歲祀夫四先生非漳人也而祀於  
 漳念菴非贛人也而祀於贛無他化民之七吳先於興教興  
 教之道莫大於崇儒當吾世有賢者焉得親炙之幸已不幸  
 不得親炙則尸祝之愾乎如事生雖非其鄉先生猶將有聞  
 風興起者矧於其鄉奉鄉先生為之鵠相去又僅僅數十年  
 登其堂想見其人有不徬徨而激發者幾希余束髮入塾讀  
 公之書聞先正緒言謂公之學較念菴為純粹實有契於四  
 先生之心傳者心竊嚮往之比壯筮仕兩浙深幸近公之居  
 若此其甚今復蒞公桑梓之邦下車樞衣釋奠於階下慨然  
 恨余生之晚不獲親炙公之耿光會重修邑志余為公立道  
 學傳推原公所以仰承

天眷

俎豆宮牆者異一伸景行之慕而公之嫡裔申義復以港租  
 勒石請港租則在東湖巨浸之中施眾之地輸魚蟹艤舟之  
 埠供泉布歲計銀四十六兩有奇蓋建祠之初前令高公國  
 楹所置以修公春秋之祀者也先昇景賢祠協計者經理後  
 復歸申義昆季隸于耑祠典守有年矣懼後嗣子孫不克負  
 荷故惓惓以為言余謂公當今一代名儒也祠於鄉與祠於



天下無以異也。即港租之設，隸於景賢祠，與隸於嵩祠亦無以異也。第申義既為公之嫡裔，則主崇祠者自應以申義為屬祠。既屬之區，區港租自不得不藉為善蓋之資矣。况當湖舊有書院在祠後，楹諸生以時習禮，其下有祠，則興觀有藉。有港租則俎豆常新，此又余私心屬望欣然載筆者也。凡港租所及及柳口墓田條而列之，刊於碑末，申義子孫其慎守之，勿替祠產租附後一南湖水港坐落高墳塘東至麩杖港口西至新橋港口南至高墳北至東西塔橋租銀及魚蟹共二十三兩一。中湖水港坐落弄珠樓東南至普濟菴西至岸北至運港口租銀四兩一。北湖水港坐落呂公橋東至運港塘安平橋潔芳橋西至岸南至弄珠樓北至呂公橋租銀及魚共十兩一。龍頭船埠泊乍浦載船十二隻租銀共六兩六錢三分一。呂公橋船埠泊新帶載船二隻租銀共一兩四錢四分一。呂公橋水灘木行租銀一兩二錢一。柳口坊墓田七畝坐落畫字圩十一號二分四釐十三號一畝二分六釐十五號一畝二分五釐十六號一畝七分七釐十七號二畝四分八釐租米八石一斗並

五十年知縣王恒重修祠宇裔孫陸宗源邑人張誥等捐葺并肖像于祠日恭塑陸清獻公像

成是日為公誕辰，率邑紳士告祭祠，用張熙河孝廉題墓詩韻，醇儒崇祀典，文運益光昌。吏治超炎漢，薪傳接紫陽。步趨心共切，桑梓澤尤長。對越衣冠處，悠然挹古香。張誠詩浙西開聖學祀典

朝昌摹像冠裳赫，鍾靈日月陽。廟堂觀禮器，峯泖景高長。一盞寒泉意，黃花薦晚香。張人標詩儼若神靈降，崇祠氣象昌。魚堂綿舊澤，牲醴質初陽。申嶽思鍾毓，文琴寫博長。何當修醜享，重為采蘋香。

五十三年復立碑亭於大門內，恭勒從祀大典。

上諭 文恭紀 五十四年邑人張誠題祠之正廳曰三魚堂 張誠清獻公祠三魚

堂記 清獻公七世祖曰靜庵先生，明時築堂石牌，涇曰三魚。冢宰莊簡公記之，擬諸王氏三槐，謂先生之後將必有光大門閭者已。而子孫移家泖上，凡堂皆曰三魚，示不忘祖德也。蓋先生嘗為豐城丞，督運采石，夜半舟漏，跪視曰：舟中一錢非法，願墓魚腹，俄而漏止。天明視之，有三魚，裹苜蓿塞其處。此三魚所由名也。然則先生之清風亮節，可以自信，可以信諸神明。易曰：中孚豚魚吉，利涉大川，利貞。諒哉先生六傳而有濟南推官諱燦者，明季闔門殉難，以忠節聞。然而三魚貽



朝

澤猶未丕著也七傳而清獻公誕生為我  
 朝第一大儒公所著書皆以三魚堂名學者稱為三魚先生於  
 是三魚堂之名震天下而靜庵先生之清德至是乃大顯矣  
 積之愈久發之愈光當日莊簡所期昌大門閭者不過如王  
 氏三公絕不料有紹濂洛之統接洙泗之源如公其人者則  
 三魚之為顯祥大矣哉公既沒而從祀孔子廟庭邑復有專  
 祠祀公祠在城之東南開乾隆乙巳夏邑侯王威齋先生重  
 新公祠宇誠兄弟董其役並肖公像于祠侯又請于上官以  
 公會孫宗源歲奉公祠祀祠故有堂三楹宗源以誠嘗書公  
 墓碣屬誠題其顏誠回憶曩者至泃上登公三魚堂低徊不  
 能去近大賢之居若此其甚然以一水之隔尚不得朝夕時  
 瞻仰今搢紳之東西行過是都者往往聞風景慕訪三魚恨  
 無由一升其堂又或傳聞異辭誤以三魚為清獻故事而忘  
 其世澤所從來誠故詳其顛末請仍以三魚名堂庶四方士  
 大夫展拜公祠不啻謂公故居而靜庵先  
 生之清德其亦大白于天下後世也夫 祠中例設奉祠生  
 一名擇後裔賢能者充之報部給照 辛未奉祠生陸申賢  
 戊申奉祠生陸宗源

按敦本睦族必自葺祠始景賢義田比美吳門范氏邑紳

士轉相慕效建祠購田者頗多此高志所以嘉其風之近  
 古也茲採錄舊編雖興廢不一亦無增刪凡為世家後裔  
 尚知自勵以綿前賢之澤司牧者竊有厚望焉

右鄉賢專祠



平湖縣志卷四下

平湖縣知縣候補同知王恒修

祠祀

冢墓義冢附

冢墓

按德功言三者為不朽故前賢冢墓必準此載入惟古墓或因古蹟而附舍是皆勿與焉

龍母冢至元嘉禾志陳山之巔有磐石為龍母冢遇水旱祈

禱以酒酌石輒有暴雨洗壇程志相傳龍君以三月十八日

生歸藏其母於此

陸世楷詩誕降有嘉徵夢中龍據腹奈何神靈物戕母以自育崔嵬陳山巔有墓拱

其木青峯繞佳城幽宮協天卜坼副即飛騰於毛豈有屬猶

念鞠我恩歲歲來洗沐一泓侍巾瓶孝思常在目安得瀉飛

泉分流遍巖谷海濱多逸民策杖訪林麓咄咄駭異聞兩石

自相觸石如雀鼠穿而不損墉屋昭昭龍之靈磊磊石之族

君子道其常龍潛而虎伏

祠祀下

祠祀下



天女墓至元嘉禾志在乍浦人侵犯卽有土蜂黑氣逼人

齊三士墓吳地記海鹽縣東十五里海鹽圖經卽乍浦齊景鄉地九山志梁莊城西

地名古有公孫捷田開疆古冶子三墳俱事齊景公勇烈有

功於景公晏子以桃二顆令言功三人同日而死葬於此海鹽

圖經按諸葛亮梁甫吟有齊城門蕩陰里之句則三士墓在齊地矣然搜神記載古冶子拔劍斬龍在蜀與長沙間水經

注以為並齊景所不至疑而存之則此地之有三士墓亦不必深辨其真偽耳嘉興府吳志按青州舊圖經臨淄縣冢墓

門云三士冢在縣南一里三墳周回一里高二丈六尺張朏齊紀云是烈士公孫捷田開疆古冶子冢

龍尾山古墓九山補志龍尾山下盛姓宅後有一高阜欲治

屋具畚插平之得一碑曰白馬將軍之墓棺已毀惟硃漆存

觸之卽為灰燼中惟髮一束鏡一枚純綠旁似新月形去城

西二十里海鹽砂有白馬廟祀白沃使君或是其遺跡云

吳皇象墓一統志在縣東南三十里至元嘉禾志高一丈周

圍四十五步輿地志象字休明廣陵江都人善隸書

雅山古墓乍浦志乾隆二十一年臘月雅山下居民營墳穿

土得古墓取二磚以出仍掩之磚長尺餘色黃側有太康七

年七月七日造九字太康晉武帝紀年也

青龍觀古墓九山補志觀山西麓有青龍觀故址松江僧湛

之欲拓地重建里中曾士完捨山開築畚鍤咸舉鏗然有聲

窮之得一古墓方下圓上石磚甃頂磚徑長可尺有咫橫三

之一而斜墊其徑之一角使可規圓而合砌題其側徑曰咸



和元年八月十五日作橫曰宣侯王墓斜墊角殺可五之一  
鏤為虎頭而虛其墊角之側徑無別識磚質堅細懸而下中  
多紫藤香甚有石板長數尺窾鉢一鉢中水甚清大鏡一純  
綠小鏡一又小似鉢者數枚俱無款識墓南數步有隧道碑  
塞之碑有方孔二疑內即窾所惜無辨其字者知縣賴垓聞  
之禁勿令開所得鏡觸手輒碎及出墓道迎風漸堅小鏡與  
餘鉢俱歸之縣時崇禎壬申五月二十八日距晉已千三百  
餘年宜侯王者史莫可考平浦志洪适隸釋云永平八年  
叔文雜一元和三年謝君墓輒一永和元年景師輒一其文  
皆隸書也或云萬歲舍大利善或云千萬歲署舍子孫貴昌  
未央大吉或云大吉陽宜侯王虞荔鼎錄云蜀章武二年先  
主作二鼎一與魯王文曰富貴昌宜侯王一與梁王文曰大

古祥宜公王並古隸書高二尺然則宜侯王者乃古人頌禱  
之辭非姓名封爵也咸和晉成帝年號李天植青龍觀古墓  
詩千載遺弓鎖碧阿新開日月見咸和蘭膏已盡燈何在綠  
玉猶存鏡可磨南渡衣冠無故物東來形勝只滄波荒坵好  
與重封誌為爾  
還吟薤露歌

按龍母天文事涉誕妄然自宋元以來地志皆載之龍尾  
山等古墓彷彿謝惠連祭冥漠君古冢事因備錄舊文至  
三士墓不當在湖前人辨之已詳存而不論可也

陳鴻臚卿顧安饒墓名勝志在陳山至元嘉禾志高一丈三

尺周回七十步 安饒野王子

唐陸府君墓輿地碑日記在當湖市 開窻括異志昨得一石刻乃唐吳郡陸府君墓

誌銘云葬於蘇州海鹽縣齊景鄉當湖里海鹽圖經宋志曰  
唐貞元十四年太子左贊善大夫吳郡陸府君夫人汝南縣



君周氏墓誌銘云附於嘉興縣東界海鹽縣齊景鄉青墩原西北塋王象之碑日記亦云此碑在海鹽但未觀全文

唐陳環墓海鹽圖經在齊景鄉雅山南二里有墓誌不著作

者姓名唐故陳府君墓誌銘府君諱環穎川人也祖興父道清並不求宦達君即清公之第二子也幼著才識長

姻規矩克言理行鄉閭所欽何圖天不祐善以會昌二年正月二十一日終於私第享年六十有三以當年八月十八日

窆於蘇州海鹽縣東二十八里齊景鄉雅山南二里祖墳南舊塋禮也君娶吳郡顧氏有子三人長日遂次日師損三日

公甫並至謙至讓忠乎孝乎泣血主喪絕漿逾制後恐日月久邁陵谷遷移用石為誌永傳不朽銘日自作田兮田作海

萬古存兮誰不改青松新巖曉無年千載維留名記在

按墓誌惟陳環全錄其文其餘行事已見列傳者但節錄

銘詞若無傳諸人則畧附梗概於此

宋參知政事簡肅魯宗道墓朱志在齊景鄉當湖里即今縣

東南桑園街墓前有碑

李迪魯簡肅公墓銘直哉貫夫宦寓於湖土堅而秀室安而固其名不朽

其嗣孔茂何以銘之千古如在張士遜魯簡肅神道碑銘魯

以國氏世遠支蕃公參大政剛斷立朝天位以正社稷以安執不事君乃惟勿欺孰居於相乃能無隱錫爵優隆

勅諡彌榮當湖之里齊景之鄉銘昭於遠俾嗣其芳

按海鹽圖經及程志皆不載宗道墓朱志始增入考魯氏

世譜所載誌表內明云當湖里李文正詩本賦宗道而省志列壽寧墓下誤

宋正議大夫魯壽寧墓嘉興府柳志在縣東南二百五十步

魯氏族譜

壽寧字景修號東菴宋宣教郎致仕累贈正議大夫

夫間窻括異志正議之塋瀕湖占勝為一方冠東南皆枕湖

遠峯列如筆架一塔屹於波心文峯挺立登名仕版者世有其人視他族為盛淳祐間忽樹間出煙一道遠近莫不驚異有細視之者見其間有蠓蚋不可計從樹中出終日不絕



蓋此煙卽此所成不知何異

宋宣義郎魯壽淵墓程志纂在齊景鄉壽淵字景源號南林

宋宣義郎間憲括異志南林高祖塋嘗聞伯叔祖言初營地時高祖頗明地理將鑿池引水至墓西南夜夢一

婦人曰妾有墓在正南所開池處君戒役夫勿傷我墓當有厚報次日果於其地得金數塊遂用以營寺至今其墓尚存

自創建以來將踰百年林木塢竹視他處爲盛丙午夏忽生雙笋數株然竟不成竿亦無他應

宋司理魯文謚墓嘉興府柳志在縣東五里喬行簡高郵司理魯公墓銘爾

積之厚而進匪驟蓋究所存胡壽其壽詩書有傳科級維舊或梃於前尚昌爾後

宋陸通一墓程志舊卽縣基宣德五年建縣治遷北城內趙今

家通一象山六世孫明理學平湖縣給帖爲建置縣治事奉司府帖文蒙戶部咨文奉旨設

縣據吏部員外余相得縣治應建於當湖鎮之中係居民陸廣等基祖墳族居環其左右應擇地聽遷查得北邊公地二

畝二分龍清水秀政堪窳交爲此帖仰陸廣等卽將祖墳移葬世守管辦勢豪毋得侵佔須至帖者

按省志作巡司陸啟禎墓引海鹽文獻志爲據而舊志皆

作通一考陸氏家乘墓圖主穴爲通一昭昌二穆基次昭

鯨次穆寬銓在今縣基儀門內所遷縣西北隅者乃通一

墓碑尚存可考故仍舊志並証省志之誤

宋翰林學士承旨趙孟堅墓程志纂在廣陳輦字圩海鹽圖經子固

居廣陳晚徙居崇德廣陳今析平湖宋時爲海鹽地平湖趙伊謂幼時見其地高阜纍纍居人皆指爲趙家王墳樵採有

禁云張雲錦書平湖縣志輿地志後子固系出自安定王家廣陳時建王祠旣歿而葬祠西偏祠地土人呼其墓爲趙王

墓蓋以祠故誤也見賀將軍傑所撰祠記而天啟邑志載云樵採有禁竟未知誰氏比之漳河疑冢甚爲可笑康熙間所

修邑志尚仍前說余故書之以俟後之記地志者正之



宋碩儒周貴一墓程志距魯簡肅原本作壽寧誤墓西三十步貴一

宋碩儒講道武原子勝一仕元為提舉葬昭次

宋靖獻先生陸正墓程志在廣陳鎮元王昭大陸正墓碑銘平章欽澤乃發先生遭

時革運棲老藏名其名則藏其道孔明箕穎之節洙泗之經一邱掩魄千禩垂聲

宋進士陸能仁墓程志在鳳凰基北圩時稱高士墓

宋朱提舉夫人陸氏墓嘉興府吳志在德藏寺後樂郊私語揚興真伽

率眾過德藏寺將發陸左丞女朱夫人墓寺僧真諦忽現神力掣韋馱杵擊之楊以為神竟去墓得全

宋石總管墓程志在東湖口總管廟西有石氏壠跡田者常

探出碑板為學士歐陽元功筆婁縣志考宋史石保吉尚太

宗女陳國公主石氏為駙馬都尉者惟此二人史稱保吉家多財所在有邸舍別墅則此所謂石都尉者疑當屬之保吉

然保吉終於鎮安節度使而志云江淮總管亦與史不合未可臆定也

元徵君陸壽一墓張志在安圩壽一至正間人歷聘不赴隱

居祥里

元殿中都尉張燧墓朱志在新倉南虬柏秀鬱代出賢良簪

紱纍纍至今子孫蕃衍

元處士陸應奇墓朱志在南陸應奇靖獻先生子元末避居

華亭胥浦鄉其地因名南陸卒葬焉後為姚氏宅惟存祭掃

地今姚氏宅廢四隅立碑為界稍復封樹

元進士陸景雲墓程志在鶴階涇景雲致和元年進士授提舉終不赴



元恭靖侯賀傑墓程志纂在縣治後玉帶河旁有坊曰恭靖

侯賀十萬公墓按程志氏族門教傑父億字十萬考坊額應是億墓舊志皆作傑姑仍之

元處士趙友一墓程志纂在新倉鹽運河南有木甚奇按木係古

相乾隆己卯風潮仆其七世孫趙漢題墓碑曰元處士趙友一之墓

明處士陸子榮漸達居士陸敬父子墓朱志在教場東

明處士張廸墓朱志纂在蒹葭園南寫字圩廸字靜菴忠獻

十一世孫元末隱居好義自獨山遷蒹葭園子孫聚族於斯

卒葬焉墓有石羅城俗呼石穴子勅賜八品冠帶張瑜墓昭次

明徵士陸宗秀廸功郎陸珪父子墓程志在華亭界涇南

明廣東都司斷事俞廸墓朱志纂在南城日暉漾東北鳴仲

字圩大堰頭舊志皆作火字圩誤

明處士沈珍沈昊封主事沈渭贈主事沈樾墓朱志在齊都

恥字圩王家灣其西參政沈榮封評事沈光墓

明刑部侍郎葉春賜墓程志在大易鄉宣德八年諭祭文詳卷首

海鹽圖經春墓子孫失守天啟間知縣樊維城贖而修葺之給其後人名曉若憲者奉祀為文告之其畧曰宣德去國初

未遠俗尚質樸居官者得獨行一意取其足達於王事而已矣不相責望以體面人情也嘗讀信史見先生自請按浙一

事此非處治朝遇明主必不能為奉詔而行復命無距此固聖天子見萬里之明而先生之直氣勁節真不可泯也先生

以仁故能行其剛我聞仁者必壽亦必祿及子孫聞之文貞公墓誌中道先生壽矣乃某訪先生子孫僅有存者皆農功

客作者耳昔李青蓮不過文士慕遺風者尚猶為祿其女行其書何況先生功德在人高山可仰謏謏清風巖巖喬嶽而

可無以表揚之乎二人來見云係先生七世孫家傳聖諭墓碑徵之而信猶自掩面稽顙嘆墓田已更於他姓石碣亦斷



於樵人泣然久之方謀  
修復用布諸塋次云

明武畧將軍施雷墓程志在北門內雷原秩千戶正德間以

出賞助賑勅加都指揮使嘉靖四十二年秋施武畧墓前水涌如潮諸港徹底奔赴繞墓水高

數尺踰時乃復是日施鳳來生朱志其裔中書施日升葬釣字圩

明廣州知府沈琮山東道御史沈肆墓程志在齊景鄉父照

菴西

明湖廣參政倪輔墓朱志在齊都古字圩胡觀橋古木陰翳

嘉靖間倭變居民爭匿以免韓文有墓銘文闕不錄

明太保康僖屠勲賜墓程志在鄂陽山麓正德十二年諭祭

文詳卷首安寧楊一清屠康僖公墓銘窮經學古士則宜然或滯於用匪才之全公少有志無書不讀視天下事皆在我

腹既奮厥奇周全曹司析紛舉劇無試不宜引經折獄以儒飾吏發為詞章乃其餘事昔在孝宗賢俊彙征公名日起與位俱升建節東巡方畧圖上翼翼重關屹成巨障億萬畿民賴公底綏問其疾苦卹其寒饑入掌邦禁刑暴詰慝何幽不宣何滯不達初服三事皇覽日俞致君堯舜惟爾嘉謨祈天我志祥刑爾職慎爾三尺長我王國大姦竊柄毒流九圍公彼進而顛公退而安絜短較長公何憾焉公惠在人公名在史公澤在子仲子參政屠應坤亦葬山之陰其流無涖

明江西參議沈煉墓九山志在黃山下

明殉難百戶徐榮墓九山志在湯山

明殉難千戶王鏜墓九山志在觀山

明殉難百戶楊臣墓九山志在苦竹山後

明贈都督僉事殉難百戶康縉墓九山志在陳山寺東崇禎



間其孫承爵以戰功加銜都督僉事追封先世就此焚黃告墓焉

明山西參政趙漢墓新纂在北門外福臻寺後俊字圩墓前有碑曰諫議名臣孫進士趙邦秩立其子廣西副使趙伊墓在華村坊勸字圩墓碑亦邦秩立

明孝子郭球墓朱志在北城內倉橋西

明工科給事中馮汝弼墓新纂在東門外黃谷山翦字圩華亭

徐階祐山馮公墓銘仕曷為平往往而下遷玉毀瓦全固自昔之所憐譽曷為乎藹藹而四騫人不能勝天亦自昔而已然誌曷為乎繁辭而深鑄上以弔千古不得志之士下將以振百世自信之英賢夫豈獨慰公於九泉

明滁州判官王梅墓朱志在福臻寺東北沿盤滙沈季友題

詩埋玉荒留野蔓中柘湖遺韻溯嘉隆世皆欲殺真名士官亦宜呼小醉翁有客苔碑題晚翠無兒麥飯哭春紅一坏不閉才千古葉葉吹人鶴警風

明延平知府陸志孝墓嘉興府吳志在冬青潭按志孝隆慶戊辰進士舊

志誤列  
國朝今更正

明贈翰林院修撰沈宏光國子監司業沈懋孝父子墓朱志在石莊里

明昌國備倭把總周翼明賜墓九山志在黃山程志萬歷四

十七年賜祭葬

明贈雲南道御史過厚墓朱志在過家溪北致字圩其南洋

瀆廟前即其子應天府丞過庭訓墓崇禎二年諭祭文詳卷首李邦



華有墓銘  
文闕不錄

明山東左參政贈太僕寺卿馮敏功墓新纂在華二十二都

三徐塘西

太倉王錫爵有墓表

明禮部員外贈光祿寺少卿陳泰來墓朱志在小南門外李

字圩

明兵部侍郎陸長庚賜墓朱志在東湖西崇禎九年論祭

文詳

卷首其北即贈江西布政使陸珂陸文典墓

明湖廣布政沈萃禎墓朱志在齊都近字圩陶家浜

明江西提學副使陸錫明墓朱志在二十三都岡字圩

明處士王路墓九山補志在黃山南麓

明福建布政陸懷玉墓朱志在虹霓堰伏字圩

明定州知州進兵部員外海鹽胡震亨墓九山志在高公山

之陽

攜李詩繫震亨字孝轅萬歷丁酉舉人授固城教諭陸合肥知縣再陞德州知州不赴崇禎間侍郎朱大啟薦

其才可任知府補定州以城守功擢職方員外嘗輯唐音統籤自甲至癸凡一千卷又有海鹽圖經續文選文獻通考纂

今海虞毛氏書皆其所編定者也

明嘉定州判曾宏毅墓九山志在陳山東

宏毅字叔完乍浦所人入南雍選授

嘉定州判有能聲署威遠縣清理枉滯甦馬戶之困民德之以是獻賊之亂得免難歸貧甚授徒自給年七十卒

明台州參將進都督僉事康承爵夫人戴氏墓九山志在陳

山寺東舊為張氏墓未及塋售之承爵墓夫人戴氏乙酉承

爵死於邑城西門外常平倉前惜無人收其遺骸者

于東景詩里人



猶說康參將戰地殘骸不復還  
婦淒涼餘馬鬣夜臺空上望夫山

明三高隱墓朱志潛夫先生李天植墓牛橋西北王漣墓碑銘甲申之

後高隱山中杜門吟嘯以挽頽風八十二年不屑不潔安飽  
無求謚日介節沈季友題李龍湫墓詩龍湫老去大名存一  
拜春荒小墓門鷗外廬空符劍夢梅邊月到想詩魂青山獨  
映連蜷字白叟同澆塊磊尊不有半堆冰雪裏誰將冷骨傲  
乾宗賢和尚馬嘉植墓衛家浜按嘉植崇禎己卯舉人張志作給諫誤疑齋先

生過銘簠墓致字圩

明濟南推官陸燦衣冠墓新纂在泖口畫字圩

明高士李延是墓新纂在東湖濱潔芳橋東北墓用浮屠法

外周以墻其形方而虛其前作圭竇朱爰尊高士李君塔銘君諱彥貞厥字我生後

更延是爰通於野改字辰山亦日寒村被道士服栖琳觀之  
側汎汎松舟而泝而游疾者熏灌或以解散有花有苗有甲

有條步欄兮逍遙有經有子有文有史搖筆兮伸紙有肴有  
膳有款有魚留客兮康娛嗟君之窅窅兮忽自逃於釋兮嗟  
君之去故故兮委恒幹於東湖兮或疑流羽或謂僧伽視我  
銘辭其高士邪千東景當湖雜詠混跡醫翁道士間半生鄉  
井不知還一坏黃土鸚  
湖曲剩與閑人說放鵬

國朝

戶部侍郎秀水曹溶墓朱志在十七都周思塘橋李詩繫溶字潔躬號秋

嶽平湖人居秀水崇禎丁丑進士順治間官至戶部侍郎  
轉廣東布政降陽和道裁缺歸著有靜惕堂集三十卷

戶部侍郎馬紹曾墓新纂在縣東三里白沃廟東北

生員孫之琮墓朱志在亭子橋北義字圩

御史贈大學士華亭王廣墓新纂在南陸王氏族譜廣心字伊人號農山

順治己丑進士累官巡倉御史贈  
武英殿大學士著有蘭雪堂集



戶部尚書華亭王鴻緒 賜墓新纂在新帶東北二里南巷

雍正元年

諭祭

別裁集鴻緒字季友康熙癸丑進士官至戶部尚書著有橫雲山人集查慎行大司農王公輓詩門生門下士時世湖淵源別有酬恩泪深蒙知己言佳城瞻望近畫像典刑存酌酒陳詞意還應徹九原

按王廣心父子墓前志不載以江南人也然 賜塋在境

內烏可弗書若陸莊簡墓 在胥六都 東黃圩 馮洪業墓 在胥六都 西洪圩

均嘉興境應入嘉興志

思州知府陸世楷墓曝書亭集在縣東六里五行涇 朱彞尊陸公墓

銘嗚呼古之循吏久於其官政以不煩民以不寬公於黔於粵除惡必先濟之用寬客至張旌廬旅居船士也討論席研齋餐志其山川申畫土田有德有言溢於炎屢宜爾子孫克昌厥文美哉鮮原秀木九九岡有後躋

內閣學士兼禮部侍郎陸慕墓高志在南門外聽字圩 陸慕自題

聖眷

坊表予告通議大夫內閣學士兼禮部侍郎陸雅坪治生壙於湖西一角林竹之美山川之光心所樂也阡不擇吉葬可隨時祖壠相依游魂永託康熙戊寅仲冬二十六日時年六十有九勒諸坊表勿替成規高深不移歲月恒古蕭山毛奇齡陸閣學神道碑銘平原肇族以孝友多鬱林而後大於嘉禾派分南阮系同諸何門閥長盛冠紳鬼竅公獨有志如居巖阿家國多故爰尋干戈代父俘纍身親網羅孝感天地球還泉渦甫脫爽戟旋聽鳴珂擣頌獻賦有如夙哦公家敬與已登鑾坡復就制舉中拔萃科後先嗣響宛出一窩况逢夔龍廢歌屢宴承明頻居馭筭躬近銅鶴盃啣金鵝日判紅本大若蚪蚪而乃告歸急流迴波肘後無金車前乏呵病鮮饋藥喪不行儼高官顯爵其奈公何幸其摛文尊於刻犧金液常燦玉粹不磨矧志行高猶登坡陀動而益上與雲日摩卽此可信遠近罔訛曾母三告亦不投梭展也君子崇山大河雖嘆馬鬣何須封駝祇愧微文交螭未踈以代豐碑從東南過

西平知縣沈棻墓朱志纂在楊樹灣 長洲宋德宜沈藕菴墓銘茗水湯湯至於石莊



其源則宏其流則長實生我公典穎秀慧矧茲淑人迺作元配出簡良牧局於下位太史調墨勲書厥職天鑒孔昭將大其澤何以卜其子副貢生沈季友墓在普濟橋東

先儒清獻陸隴其墓嘉興府吳志在柳上畫字圩本文作餘字圩誤

新纂東距陸燦衣冠墓一十五步乾隆二年

諭祭三年

御製碑文贈官予諡樹碑神道左文恭紀 卷首四十八年邑人張誠修

墓立石墓前題曰先儒陸清獻公之墓張誠題陸清獻公墓碑詩清獻公墓在柳

口向無神道碑烟荒草蔓幾不可識癸卯夏五余為芟刈荆棘立石表之敬系五律一章先生生間代理學藉光昌好辯

宗鄒嶧聞知紹紫陽上丁從祀肅三五十二年知縣王恒建

墓坊並栽松栢王恒重修清獻公墓記清獻公之歿也江南督學邵公嗣堯贈資以葬越六年趙公申喬

任浙江布政使購田一十畝有奇供其祀事雍正四年奉

聖旨從祀文廟乾隆二年論祭三年賜諡贈官樹碑於墓道之東南禮至降也其墓在柳口祖塋旁歲

久漸蕪子孫貧日甚不克以時修整馬鬣遺封榛莽轆轤宰木繚垣亦皆闕如夫公為我

朝首出醇儒力崇正學得孔孟之真傳薄海內外莫不欽承

聖天子敬禮儒先之意俎豆宮墻而公宅兆所安之地乃聽其荒蕪若此有守土責者於心安乎余忝宰是邦幸親賢里既為

公新其祠宇丁未夏偶以公事至柳上拜公之墓盡焉心傷乃倡捐俸錢二十四緡隨有公族姪孫陸錦聯捐錢三十五

緡邑中賢士張誠捐錢二十緡羅金鼎孫煥各捐錢十五緡鳩工集事董其役者為生員陸子鑑候選州同馮錫貴周流

督率閱數月而工竣又有貢生戈宏垣捐田九畝有奇其田即

在公墓旁既得助其歲祀又可固其界址皆徵敬叩先儒之意云按戈宏垣所捐田知縣王恒詳府立案給匾旌獎

並令奉祠生陸宗源世守武義訓導張友直墓浙江通志在蒹葭園樓字圩張氏家乘友直字子



益號壺山貢生  
授武義縣訓導

禮部侍郎文恪高士奇 賜墓嘉興府志在南門外二里

康熙四十三年

賜祭

文恭紀卷首查慎行過高文恪公墓詩天上巢痕掃人間  
鶴夢回新松陰漸合宿草客誰來廢瑟餘三嘆題詩擬七  
哀自傷遲暮眼  
轉瞬閱興衰

翰林院檢討陸奎勳墓新纂在小南門外五里葛家橋

義冢

附 按鬼有所歸乃不為厲良醫亦謂屍氣能發  
人病故月令有掩骼之文邑舊設廣孝阡近奉文  
申嚴火葬爰捐俸購田下令瘞四鄉暴骸邑人好  
善者相繼捐置因為清查新舊圩畝附入于志

宋漏澤園至元嘉禾志紹熙二年縣令李直養以溺海之屍

隨潮至沙磧間為禽犬所齧置叢冢湯山收瘞 陸峻湯山叢  
冢記吾邑東

階鉅海每當濤風暴怒多有溺者之屍乘潮而上潮退暴露  
沙際須臾犬鳥啄齧以盡遺骸蕩析隨亦滅沒久矣余聞而  
哀之也昔歲六月人有以所見言于縣縣尹為之惻然曰噫  
人孰無死死而不幸至於此是余職統一邑其獨忍聞此而不  
為之所可乎哉乃亟按官籍得縣治之東北三十六里日湯  
山置冢瑩焉收瘞之浮屠氏師俊實願董斯役遂因山勢高  
下夷為三級廣踰五畝周以垣墻深其窰穴俾安以固首以  
其事上屬部常平使者張公且請一為瘞埋之費期久之  
不以累縣計張公慨然從之帖縣之常平庫凡一屍給錢千  
置歷以稽其付受其它報發文移號集里伍等事悉據條令  
以行就命師俊專司之自經始逮今未期年凡瘞一百四十  
六人矣念無以告後來者不可屬余書而刻之石嗟夫仁人  
君子之用心隨所寓而見顧今為邑者往往困於牒訴之紛  
委且瘁心於歛積以應大府之追胥為急務日力常不給其  
屬意於斯者幾何人哉然  
則縣尹之賢於人遠矣

明漏澤園程志纂一在西門外舊倉基嘉靖三十三年知縣

劉存義立一在東十九都馬若庸立一在二十三都野橋石



八滙 嘉靖間倭變松陽兵及居民死者甚衆 一在環堰並給事中馮汝弼立一

在二十四都舉人陸光宅立一在登青滙海門知縣趙邦秩

立一在郁家圩山東布政馮敏功立一在乍浦教場西 川圩嘉靖

間倭變死者 三百餘人 署知縣殷廷蘭立一在淡水橋有碑二一萬歷

四十五年立 拱圩不詳姓氏 一天啟三年知縣顧國寶立 朝一在飛

錫菴北一在東湖濱 並不詳捐立姓氏 通計田凡一百五十二畝九

分六釐三毫公估免糧 十七都東區河圩一畝九釐一毫讓圩一畝一分二釐五毫國圩四畝二分

六釐四毫 十七都西區吳圩一畝七分九釐 東十九都西區弁圩二畝二

東區設黃圩六畝五分八釐 東十九都西區弁圩二畝二

分一釐四毫亦圩五分八釐六毫經圩一畝四分八釐三毫

小卿圩二畝肥圩七分一釐三毫東勒圩二畝六分五釐二

毫 西十九都荒圩二畝一分三釐俊圩三畝一釐九毫實

圩八分一釐六毫土圩一十一畝七分四毫會圩二畝九分

七釐七毫遵圩一畝八分四釐一毫大煩圩一畝五分九釐

頗圩一畝九分八釐八毫 二十都西區盛圩三畝三分一

釐四毫川圩二畝九分一釐九毫映圩七畝六釐一毫宜圩

一畝七分一釐二毫 二十一都上扇朝圩二畝一分五釐

拱圩六畝八分二釐五毫育二圩三畝八分六釐一毫慕圩

一畝四分六釐三毫良圩三畝六分二釐三毫改圩六分二

釐七毫莫圩三畝三分三釐使圩七畝四分五釐八毫 二

十一都下扇歲圩一畝三分五釐讚圩三畝八分羔圩四畝

三釐積圩四畝四分四釐一毫 華二十二都石圩五畝一

分四釐八毫鉅圩二畝九分六釐岫圩九分一釐七毫杏圩

二畝四分三釐治圩二畝一分一釐三毫本圩五分四釐五

毫直圩四畝四分九釐八毫 齊二十二都勉圩一畝五分

六釐九毫解圩一畝一分五釐八毫古圩五畝一釐九毫的

二圩一畝九分一釐三毫 二十三都市二圩六分一釐九

毫墻圩一畝五釐八毫腸圩二畝三分六釐三毫出圩三畝

九分二釐九毫 二十四都故圩一畝三分六釐畫圩二分

六釐 二十五都嘯圩二畝六釐二毫釋圩二畝二分五

釐五毫年圩一畝三分四釐一毫環圩九分一釐九毫

按舊志失載圩畝額數某人捐置若干無可復考茲就魚



麟冊所載免糧義冢纂次如右

舊置廣孝阡嘉興府吳志纂康熙十一年巡撫范承謨檄知

縣陳字宸勸捐立一在縣南商人方聘立一在縣西南郭君

端立一在思過橋一在廣陳一在青蓮寺一在縣東門外二

十八年知縣朱維熊捐俸立朱維熊義冢記當湖義冢舊志

奸豪霸佔轉封樹為平川則土滿強鄰侵削斷陌阡為尺地

則骨滿或假風水而阻葬或艱里道而遺棺名其實亡淪沒

不可問矣每於單騎扁舟課農履畝之時見夫郊坰橋柱道

旁之白幣堪憐蔓草荒榛林下之燐火疊現風雨飄零骷髏

夜泣愴焉久之亟擬購一塊土以為掩瘞地乃平邑民稠地

狹環野水鄉寥寥弗可得也已巳之秋適有明經屠士奇太

學陸憲熹願以地售捐俸一十七兩八錢酬其直所置計西

南至馮吼北至陸田坐落城東雙墩地方俾斯地之貧鮮立

雖及無主暴露者遷之易而就之便焉從此朽骨回春孤魂

皇上

罷泣敢日行吾義哉亦以廣我

如天之仁焉耳雖然滄海桑田遷流頗易安知今日之義冢

將來不又為昔日之義冢而為奸

豪強隣所利也是不可以無記 一在松風港莫諸生郭凌

雲捐立一在湯山下正猶雍正元年海防同知曹秉仁斷捐

立一在扶行坊晉一在北莊橋此並雍正十一年同知屈大

成捐立高衡百善會碑記我邑僻在海隅而俗多好善如育

子啟後者曾為歲收之舉請屈氏所捐此晉兩圩義冢地瘞

之歲以百計然越九年於茲舊輪者多出矣乾隆乙亥秋

穀不登丙子夏繼以疫飢民死亡相枕藉荒烟蔓草中蒲束

藁裹無主之屍半飽鴉犬得虞子玉衡慨然經理襄以馬子

自夏徂秋犯暑觸穢董收千有奇焉迺虞子更籌善後策借

同志黃鄂君侶友糾百善會會出三百帑每歲收支永為例

焉獨是當此飢疫之餘生者困未紓而虞子汲汲焉為此得

無有晒其迂濶疑其利己者甚則以為此司牧責也而并議

其借者虞子曰某老且獨無告莫某若然某不忍以己之生

而忍人之死故汲汲焉為此即不然某心自有以問死者敢



不借諸君圖訖厥功茲歲幸稔矣虞子得一在乍浦西門外  
身所願乃立石於同善公所囑余紀其事  
流局圩按張志作五乾隆十一年海防同知林緒光捐俸  
畝二分一釐八毫誤

立一在調圩坊三里菴西階湯德立通計田地凡七十九畝

六分九釐一毫官為辦糧十七都東區薑圩田四畝四分九釐八毫東十九都西區階圩田

二畝四分八毫西十九都晉圩田六畝五分六釐號圩田

四畝六分二釐二毫土圩田二畝七分二釐一毫二十都

東區正猶圩東地二十六畝八分二釐一毫山蕩五畝六分

四釐八毫二十都西區清圩田四分三釐六毫流周圩田

九畝七分六釐三毫二十一都上扇吊圩田三畝一釐八毫

毫二十一都下扇萬圩田八畝五分五釐此圩田四畝六分四釐

六毫

一畝七分今無考

滿洲營公墓地乍浦志舊制滿洲官兵病歿即焚化函其骨

運送至京埋葬乾隆二十一年始聽於本地埋葬官為置塋

域今滿營墓地在乍浦西門外賦役全書田四十六畝三釐

四毫流周圩三十二畝二分一釐六毫西地四畝二分九釐

四毫流高圩一十三畝八分一釐八毫公佔免糧

新置廣孝阡新纂一在乍西門外流周圩田六畝八分知縣王恒捐俸

立一在泖口坊小西溪西北糟圩田三畝九分舉人張誠捐立

並乾隆五十三年夏置張誠小西溪義冢記往歲甲辰冬誠

廬於小西溪之上見其鄉人有喪者率焚其尸詢之僉曰我  
野人貧無寸土所耕田皆有主茅屋數椽卑狹湫隘父子兄



弟聚處一遇死喪家無容棺之地若厝諸田主者恒以盜爲言甚至訟之有司鞭笞隨之而死者仍不能容計惟有付諸火火燼則投諸水置諸無何有之鄉然後生者得一日稍安誠聞而悲之傷哉貧也誰非人子誰無骨肉之愛至相率殘忍成俗乎已而有蔣氏子者冬至前一日日方西將火其嗣父棺既持斧鑿前和納之以薪尸忽驚逸逼人蔣氏子懼而逃尸追之百餘武將及適隴上有棄耜因持以擊尸尸迺仍置諸棺上焚之是夜蔣氏子歸入戶恍惚若有物憑者叫號達旦頭病腫大如斗翼午乃死予見而愈悲之傷哉貧也蔣氏子故非人類亦由貧民殘忍成俗習不爲怪幸以忍其親者喪其身乎誠于是思搆一地以爲公厝顧倉卒未可驟得既免喪會有秦蜀之行不果戊申春旋里謁先人墓有以田售者其地在小西溪西北二里之糟圩急以銀五十兩易之告于邑令王久也先生置作義冢古者墓大夫掌凡邦墓之地域其有死于道路者則蜡氏掌除骹孟春申命掩骼埋齒先王之于送死如此其慎也詩曰凡民有喪匍匐救之禮口鄰有喪春不相君子于鄰里之喪如此其仁也今小西溪之上先人之墓在焉誠以親營窀穸且與鄉人相聚處則是小西溪東西南北周十數里皆我鄰里鄉黨又况其死者之魂魄日依附于先人靈爽之旁幽明一體任卹同情茲得隙

地以公諳同人俾貧者皆得伸人子之心骨月之愛而此鄉數十年朽骨劫燒之厄藉以稍革其俗我先人有知顧不大快乎哉田凡東西二十八弓南北五十四弓並識以俟考是年冬知縣王恒屬舉人張誠

倡舉瘞骼會邑紳士續置義冢一在闕圩坊礮圩田七分五釐一在

馬沈圩坊南脩界新耕一在大小營坊西下界新耕蕩四畝並舉人張

誠捐立一在泖口坊妾圩田三畝五分三釐五毫封主事屈世楣捐立一

在闕圩坊公圩田一畝九分八釐四毫張由義捐立一在白沙坊洛三圩東地二畝

畝八分四釐一毫監生凌泰捐立一在新廟坊山西界新耕蕩二畝監生姚虞

珍張蔚如捐立一在褚涇坊組圩田一畝四分三毫監生邵澍捐立一

在斜勒坊中正界新耕蕩二畝貢生龔文焜捐立一在新倉坊二小眾圩東地

五畝監生徐球徐琰捐立一在大小營坊葉三圩東地三畝三分七釐三毫監

祠祀下



生陳照臨捐立一在趙涇坊陶封田八分二釐監生施御懷捐立一

在舊衙坊邱四圩東地一畝六分七釐紀燕緒捐立一在外城隍坊史圩田一畝二分七釐朱仲彬捐立一在新港坊江門界上則蕩一畝監生徐思誠

捐立一在青蓮坊小歲圩田一畝監生許昌城捐立一在新東坊李圩田一畝潘

田五分八釐四毫倪襄捐祖墳餘地一在外西門坊李圩田一畝潘

陳氏捐祖墳餘地通計田地蕩凡六十畝一分一釐二毫詳

准立案官辦糧課王恒瘞醫會記戊申冬恒入都引

見蒙以同知候補重蒞平湖既之任會大中丞琅公巡行會城見山

麓湖涖暴骨滋多惻焉傷之下令掩埋並命觀察盧公檄行

各郡縣場一體遵行而臬憲歸公又痛浙人火化成俗申明

朝廷憲章宣示百姓嗚呼各上憲推廣皇仁澤及枯骨下吏承乏茲土其何敢不實力奉行以仰體德意

也因飭各里甲查明暴露棺骸又虞其虛應故尹乃謀于張

孝廉誠舉瘞醫會並延請邑之好善士分董其首捐廉俸

并置義冢地而孝廉復倡捐田蕩二十餘畝親履各鄉勸諭

同人於是相率樂輸捐貲捐地各若干孝廉亦出已貲佐之

凡一暴骨一萬六千三百五十三口復促民之有力者自為

葬埋又一萬一千一百一十七口兩月而告竣而一時磚瓦

之價夫役之值為之騰貴夫古者掩骼埋胔王政所急今百

里之內百年以來久暴露而莫之恤者一旦盡歸於土微孝

廉之素孚鄉里諸君子之樂善好施不辭勞瘁何能奏效如

此之速如此之廣嗚呼是可見民心之有同然而各上憲諄

諄仁愛之意果能不介而孚也事既畢將以聞於上憲當亦

樂斯邦之好義而下吏子民之責亦藉以稍慰也夫張誠瘞

醫會引我邑自宋海鹽令李公直養始置湯山義冢其後邑

中好善士積置公阡二百餘畝歲久濱湖者傾圮滋多庚子

秋前湘潭張顧堂明府命吏履丈得地一百四十餘畝繪圖

造冊事未竣而去官戊申春邑侯王久也先生屬誠纂邑乘

誠竊慨舊志之載漏澤闕不詳捐置圩畝其何以垂久而無

弊也會誠新置小西溪義冢地以其事合先生而先生亦於

其時循行國邑憫暴骨累累捐廉捐田為瘞骨之所因并核

實載之誠遂言于先生曰往者辛丑六月門風大作海潮暴

平胡松志 卷四 祠祀下 七



漲海濱漂沒者以千計今其骨多暴于諸山之麓而乍川居民稠密其窮而無告者死則多投諸城下且誠嘗周行四郊矣見夫貧民死者其可矜有二一則無地容棺取其尸而焚之名曰火葬一則棄棺中田任其兩淋日炙木朽而不顧狐兔食其肉犬羊銜其骨狼藉原野身首分裂而走燐隱約往往啼嘯于風林露草之中此尤仁人君子之所大不者也先生矧然曰此有司者之責也君盍為我謀之誠曰易曰古之葬者厚衣之以薪葬之中野不封不樹孟子謂上世有不葬其親者其後則蒿裡而掩之禮記云骨月斃于下陰為野土今欲俾一境無暴露之慘則莫若遵上古之法而遂死者之性是儉而可為也誠請舉瘞醫會以承先生之意先生曰善適大中丞琅公下令掩骸先生乃命誠以此意告邑人士同志者

里人族阡新纂張氏族阡在調圩坊

漆圩田二畝二分

乾隆四十八

年舉人張誠捐立

按張氏族眾因族人盜葬其祖張東澗墓側結訟經年張誠捐田以瘞族人無力營

葬者知縣王恒詳明藩憲立案

徐氏族阡在新倉坊

二小泉圩東地二畝

五十三年監

生徐球徐琰捐立許氏族阡在青蓮坊

奈圩田七分五釐

五十三年

監生許昌誠捐立

按昌城嗣父貢生許焜樂善好施嘗捐建青蓮坊社倉施棺賑飢晚歲欲置義冢地

未果歿昌誠乃捐置成之復捐田以葬族姓之無力者

積骨塔張志纂凡六一在養濟院西改圩義冢甃石周廣八

又僧淨一建收埋無主枯骨一在薑圩義冢一在解圩義冢

一在故圩義冢一在飛錫菴後一在湯山並不詳創始年月







